

T 3149/4379.7

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 34 1968

5

太原府志卷之二十

人物

恒霍河汾毓奇萬古而晉陽獨受中結之氣
既鑄物以效靈亦冶人而成雋遠資史傳之
遺近徵故老之口若狐趙送升伯世溫王同
渡馬朝祈大夫拔士公家王處士高踪漢代
芳軌遐標皆足靜一流競至於誅漢賊反唐
輿屹屹大節千載之下猶能動義槩而迂邪
心餘或捐軀篤本家國殊猷陳俎興戈功文

哈佛大學漢和
圖書館珍藏印

異軌間左意氣之俠閨閣幽貞之媛寄跡淪
落之彥槩與剷揚不令湮沒譬之珠類璜考
寬短拾長僅附月旦之評敢云衮鉞之義賢
愚千古得失寸心亦後禩之民監也

周

狐突

交城人晉懷公時突子長毛次偃從
重耳在秦公執突曰子來則免突曰
能仕父教之忠古之制也今臣子從
若又召之教之貳也父教子貳何以
事君淫刑以逞誰則無
罪臣聞命遂仗劍死

狐偃

突子晉文公為公子時出亡在外偃
與兄毛從之十九年文公返國定王

室霸諸侯偃
之謀居多

陽處父

太谷人文公時大夫食采於此因名
陽邑文公嘗使處父侵蔡楚子上救
晉師夾泚而軍處父使謂曰吾聞文
不犯順武不違敵子若欲戰則吾退舍子
濟而陳遲速唯命不然紆我勿老師費財
為也乃駕以待子上欲涉大孫伯曰不可
晉人無信半涉而薄我悔敗何及不如紆
之乃退舍陽子宣言曰楚師遁矣遂歸

韓無忌

忻州人韓厥長子以疾讓立弟起為
嗣悼公嘉其義使掌公族大夫

韓起

無忌弟代父厥為卿使聘于周對
辭不失末年代趙氏為政卒謚宣

趙武

忻州人食邑於忻遂居之相悼公治
叛臣歸侵地致諸侯睦晉主盟列國
多其功檀弓稱其退然如不勝衣言呐
如不出口所舉晉國管庫之士七十餘家

生不交利死不屬其子馬卒謚文

祁奚

晉公族獻侯食邑於祁遂以為氏而家焉歷事晉景厲悼平四公悼公以其果而不淫也立為中軍尉以羊舌職佐之後請老公問代者奚稱解狐其讐也將立而卒又問對曰臣之子午也可羊舌職死公又問可代者對曰赤也可於是使午為中軍尉羊舌赤佐之君子謂奚能舉善矣稱其讐不為諂立其子不為比舉其偏不為黨平公起為公族大夫後以老仍辭職居祁

祁午

奚子傳稱好學而不戲守業而不淫柔惠小物而鎮定大事有質直而無以父舉為中軍尉軍無秕政

解狐

祁縣人即祁奚舉者性忠直不計私怨嘗舉其讐為相讐往拜謝狐引弓

迎而射之曰吾不以私怨擁子於吾君子奚拜且謝為又舉荆伯柳為上黨守趙簡子曰非子之讐乎對曰臣聞忠臣舉賢不避仇讐及柳往謝狐曰舉子公也怨子私也子往矣吾怨子矣

竇鳴犢

陽曲縣人按史記世家孔子將西見丘之不濟此命也夫子貢趨而進曰何謂也孔子曰竇鳴犢舜華晉之賢大夫也趙簡子未得志時須此兩人而從政及其得志殺之乃從政丘聞之也刳胎殺夭麒麟不至其郊竭澤涸魚蛟龍不合陰陽覆巢毀卵鳳凰不翔何則君子諱傷其類也夫鳥獸之於不義也尚知辟之而况丘哉乃還作為陬操以哀之

司馬侯

孟縣人昭公元年秦鍼適晉其車千乘司馬侯問曰子之車盡此乎對曰

此之謂多矣若少吾何以得見女叔齊以告公且曰秦公子必歸司馬侯曰臣聞君子能知其過必有令圖天所贊也時楚使椒舉致命曰楚以歲之不易願結驩于二三君晉侯欲勿許司馬侯曰不可楚王方侈天或者欲逞其心以厚其孽而降之罰未可知也其使能終亦未可知也晉楚唯天所相不可爭君其許之而修德以待其歸於是乃許椒舉遂請婚晉侯許之

司馬叔游

侯子祁勝與鄆臧通室仇猶大夫訪於叔游叔游曰鄭書有之惡直醜正寔繁有徒無道立矣子懼不免詩曰民之多僻無自立僻姑已若何盈不聽果為晉侯所滅

赤章曼伯

孟縣人智伯將伐仇猶而道難不通乃鑄大鍾遺仇猶之君仇猶君大悅除道將納之曼伯曰不可此小之所以事大也而今也大以來卒必隨之仇猶君不聽遂納之曼伯因斷轂馳至齊七月而仇猶亡

漢

衛

綰

文水人初仕文帝為中郎將景帝立以綰廉質拜河間王太傅吳楚叛召綰擊之有功拜中尉後以軍功封進陵侯復為膠東王太傅遷御史大夫官至丞相

常

惠

太原人武帝時隨蘇武使匈奴拘留昭帝時漢使至求武等惠教使者以天子射鴈得武書于足虜驚遂還武等昭帝嘉其節拜光祿大夫後復持節護烏孫兵與昆彌共擊匈奴有功封長羅侯卒謚莊武侯

范

升

代郡人九歲通論語孝經長習梁丘易老子教授生徒王莽大司空王邑

辟為議曹史常奏記邑邑不能用稱病去
 建武二年徵拜議郎是博士數詔引見每
 有大議輒見訪問時尚書令韓歆上疏欲
 為費氏易左氏春秋立博士詔下其議升
 力辯其不可因奏左氏之失凡十四事難
 者以太史公多引左氏升又上太史公違
 戾五經謬孔子言及左氏春秋不
 可錄三十一事後為聊城令免

王

烈

太原人少師陳寔以孝義稱鄉人爭
 訟者將質于烈或至途而返望廬而
 還有盜牛者主得盜請罪曰刑戮是耳
 乞不使王彥方知也其德感人如此

王

允

曰王生一日千里王佐才也嘗習誦
 經傳朝夕試馳射漢末為豫州刺史破黃
 巾遷司徒會董卓亂允潛結卓將呂布誅
 卓及卓將李傕等攻陷長安布於青鎖門
 外招允同去允曰蒙社稷之靈上安國家

吾之願也如其不獲則奉身以死之朝廷
 幼小恃我而已臨難苟免吾不忍也努力

謝關東諸公勤以國家為念卒遇害帝感
 痛百姓喪氣帝後都許思允忠節遣使奉
 策改殯祭葬封其
 後為安樂亭侯

三國

魏

孫

資

太原人曹操為司空辟資會兄為鄉
 人所害資手刃報仇乃將家屬避地

河東遂不應命尋復為本郡辟以疾辭友
 人賈逵勸之仕置功曹舉記吏尚書令荀
 彧見之嘆曰北州承喪亂久謂其賢智零
 落今日乃復見孫計君乎後決策破賊進
 爵左鄉侯轉侍中
 特進薨諡曰貞侯

郝昭 太原人為人雄壯以部曲督戰功為雜號將軍鎮河西十餘年民夷畏服

張遼 代州人少從呂布魏太祖破布於下戰功守合淝孫權以兵攻之遼與李典突陣斬二大將後權攻不克引去遼追之幾獲權及卒文帝為流涕諡曰剛侯

溫恢 祁縣人父恕守涿郡卒恢年十五送喪還鄉盡散私財施宗族後舉孝廉魏文帝時為侍中出為魏郡太守子六人恭生良儉讓克並知名世號六龍

郭淮 陽曲人舉孝廉除平原府丞操以為司馬破隴西名羌按撫柔氏三十餘落梁元碧等率種落二千餘家附雍州進封陽曲侯

王昶 晉陽人為太子文學遷中庶子為洛陽典農時都畿樹木成林昶碩開著蕪勸百姓墾田因魏承秦漢之弊乃著治論略依口制合時務者二十餘篇又著兵書十餘篇言奇正之用因振旅有功遷司空持節都督薨諡穆侯

王凌 祁縣人叔父允誅董卓卓將李催郭汜等殺允盡害其家凌及兄晨踰城得脫仕魏為中山太守有治聲與吳將逆擊有功封宜城亭侯加建大將軍進爵安福郡公

令狐邵 太原人為弘農太守所在清澗時郡不知經學乃問諸吏有欲遠行就師者遣令詣河東樂詳受學由是弘農學業轉興

王象 并州人建安中與同郡荀緯等俱為魏太子所禮及王粲阮陳等亡後勅出之士惟象才最高魏纂拜象散騎侍郎封列侯象性器和厚文采溫雅京師歸美稱為儒宗

許允 晉陽人少與同郡崔贊齊名妻阮氏賢明而醜允願謂婦曰婦有四德卿

賢明而醜允願謂婦曰婦有四德卿

賢明而醜允願謂婦曰婦有四德卿

有其幾婦曰新婦所乏唯容士有百行君
有其幾許曰皆備婦曰士有百行以德為
首君好色不好德何謂皆備允有慚
色遂相親重生二子奇猛皆有令聞

晉

溫

羨

懷孫少聰敏惠帝時拜豫州刺史懷
帝立以從駕討成都王穎有功封大
陵縣公遷左光祿大夫

郭

琦

晉陽人少方直善五行趙王倫篡位
欲用琦琦曰吾已為武帝吏豈復為
今世吏遂
隱身不出

郭

奕

陽曲人少負重名山濤稱其高簡有
雅量初為野王令太康中為尚書

王

渾

長子襲父爵遷徐州刺史
歲荒開倉賑贍百姓賴之

王

濟

好弓馬勇力絕倫
秀茂技藝過人有名
世與和嶠裴楷齊名

王

沉

晉陽人父名機魏太守沉少孤養於從
叔昶事昶如父奉祖母寡嫂以孝義
稱且好書善屬文以佐命勳遷
尚書令散騎常侍封博陵郡公

王

承

濟子清虛寡欲弱冠知名太尉王衍
異之以比南陽樂廣後為東海太守
政尚清靜及渡江為中興名臣自昶至承
世有高名論者謂昶不及孫孫不如父

王

述

承子孤幼安貧事母孝性沉靜嘗見
司徒王導每發言一座贊之述正色
曰人非堯舜安能每事盡善導改容謝之
補臨海太守遷建武將軍會稽內史臨政
明肅清潔祿賜悉散諸親故累官散騎常
侍尚書令追贈侍中驃騎將軍諡曰簡

王坦之

述子少與郗俱負時名同謝安桓

事朝野惜之追贈安北將軍諡曰獻弟禧

之尚公主歷中書侍郎卒贈散騎常侍子

王濛

太原人神氣清韶風流雅正絕兢

郭澄之

陽曲人才思機敏劉裕引為相國參

軍從北伐克長安裕意未定之西向

溫嶠

美從子父儋河東太守嶠博學能文

司馬奉表江東元帝器之後除散騎侍中

累遷開府儀同三司建謀誅王敦以功封

建寧縣公後為江州刺史與陶侃平蘇峻

孫楚

榆次人祖資魏驃騎將軍父宏南陽

太守楚才藻卓絕爽邁不羣少欲隱

居謂王濟曰吾欲漱石枕流濟曰流可枕

石可漱乎曰枕流欲洗其耳漱石欲礪其

孫綽

楚孫隱居會稽游放山水十年餘作

見武庫井中羣臣將入賀楚獨勸帝舉賢

任能脩德弭變惠帝初為馮翊太守卒

友人范雲期曰卿試擲地可作金石聲也

除著作郎累遷散騎常侍桓溫將移都洛

陽人莫敢先諫綽上疏極陳利害溫見疏

不悅口致意與公何不尋君遂初賦而知

人家國事耶轉廷尉卿領著作卒

孫盛 楚孫父洵潁川太守在郡被害盛年十歲避難渡江及長博學善言名理

庾亮引為征西王簿轉參軍時丞相導執政亮以元舅居外為纒所構頗懷疑貳後

用盛言其疑頓解從桓温平蜀賜爵安懷縣侯平洛進封吳昌縣侯累遷祕書監加

給事中卒著魏氏春秋晉陽春秋并詩賦論難數十卷其書枋頭之敗甚悉温見之

大怒詣子號泣祈改請為百口許盛卒不許長子潛豫章太守

孫統 楚孫幼與綽及從弟盛過江誕狂不羈而善屬文時人以為有楚風征北

將軍褚裒聞其名命為參軍辭不就家於會稽性好山水乃求為鄞令復為餘姚令

孫放 盛次子字齊莊年七八歲在荊州與父俱從庾亮儼謂曰君亦來耶應聲

答曰無小無大從公于邁亮又問欲齊何莊放曰欲齊莊周亮曰不慕仲尼耶答曰

仲尼生而知之非企慕所及亮大奇之曰王輔嗣弗過也終於長沙相

孫康 盛曾孫少貧常映雪讀書性清介交游不雜起部郎官至御史大夫

莫合 繁峙人劉琨為并州辟為從事穆帝後封關中侯子顯為左常侍顯之子題後

魏為大將以功封東安侯弟雲好學善騎射官至執金吾

進封安定公

秦秀 醇縣人少敦學行以忠直知名仕為太常博士司空何曾卒議謚秀曰曾

驕侈過度按謚法名與實爽曰謬怙亂肆行曰醜宜謚謬醜魯公賈充卒秀曰充恃

禮溺情以亂大倫按謚法昏亂犯度曰荒請謚荒公二議時不能用聞者懼焉帝弟

齊王最有賢名為荀勗輩所間以為大司馬都督青州命太常議殊禮秀曰古禮三

公無職坐而論道不聞以方任出之違舊章帝大怒下廷尉除名

郝

隆

崞縣人少博學無書不讀七月七日見富家曝曬衣服乃出日中仰臥人

謂其故曰曬腹中書耳與世福累世同慶詔復其家名重一時

王

脩

太原人司徒濛之子明秀有美稱善隸行書號曰流英清舉起家著作左郎

王

恭

太原人濛之孫清廉貴峻志存格正起家著作郎歷丹陽尹中書令出為

五州都督前將軍恭從會稽還王太省之見其坐六尺簞因語恭卿東來故應有此物可以一領及我恭無言太去後即舉所坐者送之既無餘席便坐薦上後大聞之甚驚曰吾本謂卿多故求耳對曰丈人不悉恭恭作人無長物

孫

潛

盛長子豫章太守殷仲堪平討王國逼為咨議參軍固辭不就

趙

至

代州人寓居洛陽年十三母謂曰汝先世本非微賤世亂流離遂為士伍

至感母言詣師受業聞父耕叱牛聲投書而泣師問之至曰我小未能執役使父勞苦師甚異之十四游太學遇稽康于學寫石經徘徊視之不能去後隨康向遼西議論精辨有縱橫才遼西舉郡計吏到洛與父相遇母時已亡父欲令其宦至仍還遼西太康中以良吏赴洛方知母亡初至自耻士伍欲以仕學立名期於榮養因志不就竟飲恨而終

魯

勝

代州人少有才操為佐著作郎元康初遷建康令至官著正大論嘗歲日

望氣知將來多故稱疾去官張華勸其更仕再徵博士舉中書郎皆不就著述為世所稱遭亂遺失惟注墨辨存

王忱

坦之子弱冠知名與恭珣俱流譽一時歷位驃騎長史嘗造其舅范甯與

張玄相遇甯使與玄語忱竟不與言甯讓忱曰張玄吳中之秀忱何不與語忱笑曰張

祖希欲相識自可見詣甯謂曰卿風流俊望真後來之秀忱曰不有此舅焉有此甥

既而甯使報玄玄束帶造之始為賓主太元中出為荊州刺史威風肅然殊得物

桓玄時在江陵才雄駕物忱每裁抑之玄憚服焉

王嶠

承族子少有風尚并司二州交辟不就永嘉末携其二弟避亂渡江元帝

鎮建業以嶠參世子東中郎軍事不就王敦請為參軍爵九原縣公敦在石頭欲禁

私伐蔡州荻時王師新敗士庶震懼莫敢異議嶠獨曰中原有菽庶人採之百姓不

足君孰與足若禁人樵伐未知其可敦不悅敦將殺周愷戴若思嶠諫曰濟濟多士

文王以寧安可戮名士以自全生敦欲斬嶠

賴謝鯤免後遷吏部郎御史中丞祕書監咸和初朝議欲以為丹陽尹嶠以京尹

望重不欲以疾居之求補廬陵太守以嶠家貧無以上道賜布百疋

錢十萬卒于官諡曰穆

南北朝

王玄謨

祁縣人幼而不羣世父蕤有知人鑒常笑曰此兒氣槩高亮有太尉彥雲

之風武帝辟為從事史與語異之玄謨每陳北侵之策上曰聞玄謨陳說使人有封

狼居胥意南討有功封曲江侯嘗為作四時詩尋遷平北將軍徐州刺史加都護時

北土饑饉乃散私穀十萬斛牛千頭以賑之轉領軍將軍孝武崩與柳元景俱受顧

命時朝政多門玄莫以嚴直不容徙青冀
 二州刺史屢表諫諍又流涕請緩刑去殺
 以安元元明帝即位四方反叛以玄謨為
 大統領水軍南討以脚疾聽乘輿出入尋
 除大將軍江州刺史副司徒建安王休仁
 於赭圻賜以諸葛亮箭袖鎧頰之為左光
 祿大夫開府儀同三司
 年八十二薨諡曰莊公

王

懿

律年十七同兄叡起義兵與慕容垂戰
 被重創走與家屬相失阻大澤困臥林中
 忽有青衣童騎牛見懿與食行會水潦暴
 至莫之所如有一白狼至仰天而號號訖
 懿衣因渡水與叡相及至滑臺欲南歸遠
 騎追之急夜行忽有炬火前導懿隨之
 許里乃免武帝義舉勳建業以為中兵參
 軍每戰輒勳又遣破賊黨范崇民五千人
 後以伐魏功進鎮北大將軍卒諡曰桓侯

梁

王

茂

帝布衣時常見之嘆曰王某年少堂
 必為公輔後為臺郎知齊將亡求為邊
 職入梁為雍州長史梁武以王佐許之事
 無大小皆詢焉及郢魯平從帝東下大破
 東昏兵敘勳第一累遷侍中領軍將軍時
 東昏妃潘玉兒有國色帝將留之茂曰亡
 齊者此物帝乃出之生平居處方正衣冠
 儼然雖妻妾未見其惰容徙江州刺史不
 取俸獄無滯囚薨于州帝甚悼惜之詔贈
 太尉諡曰忠烈

王僧辯

有

有凌雲之氣元帝為江州刺史僧辯
 隨府為中兵參軍討平安州蠻督諸道兵
 平侯景功第一加侍中尚書令累遷大司馬

孫伯翳

康之子初梁武帝為司徒與范雲善後雲佐帝起兵將至都先以車迎翳

翳曰蕭征東以濟世雄武挾天子而令諸侯天時人事寧侯多說雲曰此正會吾心

今羽翮未備不得不就籠檻希足下聽之位終驃騎將軍

王元規

晉陽人少孤隨母依舅氏居有富室劉瑱欲妻以女母亦因子弱欲結強

援規泣請曰因不失親古人所重豈得苟安異壤輒婚非類母感其言而止年十八

通諸書舉高第除安成王記室參軍東宮引為學士授禮記左傳除尚書祠部郎每

國家議大禮常參與焉在江州四方從學者甚眾入隋仕至秦王府東閣祭酒

魏

衛操

代人少通俠有才略晉衛瓘以為牙門將及神元崩後與從子雄及宗鄉

數十人同來歸說穆桓二帝招納晉人於是晉人附者稍眾桓帝嘉之以為輔國任

以國事及劉石之亂勸桓帝匡助晉室司馬騰聞而喜之表封定襄侯

尉古真

代人時道武在賀蘭部賀染干等將肆逆真密馳以告染干疑真泄其謀

乃留執之傷其一目後從平中原以功賜爵東川侯弟諾以忠謹稱從道武圍中山

先登傷一目道武嘆曰諾兄弟並毀目以建功誠可嘉也賜諾安樂子改遼西公

薛雲

忻州人性嗜學不樂仕進隱州西南繫舟山谷讀書自適今名其谷薛雲

梁越

新興人博通經傳性純和魏初為禮經博士道武以其謹厚遷上大夫授

諸皇子經明元初賜爵祝阿侯出為鴈門太守

婁伏連

代人道武初從破賀蘭部又平中山以功爵安邑侯復進為王卒諡曰恭

庾業延

代人後賜名岳為將有謀士眾服其智勇及罷鄴行臺以所統六郡相州

即拜為刺史秉法平當百姓稱之鄴舊有園池時果初熟丞吏送之岳不受曰果未

進御吾何得先食其忠謹如此遷司空

長孫嵩

代人事魏為南部大人寬雅有器度累著軍功後從征中山除冀州刺史

及從明元伐夏尅長安乃班師明元寢疾問後事嵩告以立長乃定策詔太武臨朝

監軍嵩為左輔即位進爵北平王司州中正太武征伐嵩以元老留鎮京師坐朝堂

平斷刑獄卒諡宣王

長孫道生

嵩從子道武愛其謹重詔掌機密後進爵上黨王卒諡曰清平生廉

約身為三公而衣不華飾食不兼味時人比之晏嬰每建大議多合時機

羅結

代人其先世領部落從道武幸賀蘭部賜爵屈地侯累遷侍中總以忠慤

甚蒙信待尋以老乞歸賜第羅城每有大事驛馬咨詢之年一百二十卒諡曰貞

許謙

代人少有文才善天文圖讖之學道武時官至關內侯又為陽曲護軍賜

爵平舒侯卒贈幽州刺史諡曰文

于栗磾

代人能左右馳射魏明元時遷外都大官平刑折獄甚有聲稱卒贈太尉

于什門

代人魏明元時使諭馮跋聲氣厲然被拘留衣裳敗壞跋遺以衣拒不受

歷二十四年後馮弘上表稱臣送歸拜侍御史太武褒美比之蘇武

叔孫建

代人魏初賜爵安平公嘗為廣阿鎮將軍名甚著太武時累功封丹陽王

卒諡曰襄

張偉 太原人通六經受業者常數百誨諭

等俱被辟授中書博士
進爵建安公卒諡曰康

郭祚 太原人少孤貧姿貌不偉人莫知識

有女巫巫相其當富貴後仕魏果為吏部尚書

燕鳳 代人博綜經史昭成時拜代王左長

史叅決國事道武卽位歷行臺尚書
賜爵廣平公管理機要世宗以其勳

張黎 雁門平原人善書計太宗器其忠亮

舊任以輔弼除大司農軍國
大議常令與焉加鎮北將軍

薛提 太原人累官冀州刺史封太原公有

政績徵拜侍中攝都曹事太武崩祕
不發喪衆議以皇孫幼冲宜立長君提曰

皇孫有世嫡之重春秋雖少令問聞于
下廢所宜立而更別求有所不可中常侍

王慧龍 晉陽人家門為宋武所誅逃難入魏

明元引見與言請効力南討乃授安
南大將軍破宋將王玄謨解滑臺圍拜榮

陽太守在任農戰並脩招携懷遠歸附
萬餘家宋邊將深憚之因縱反間太武聞

曰此是齊人忌樂毅耳乃賜璽書曰義隆
畏將軍如虎欲相中害朕自知之風塵之

言想不足介意也宋文計窮復遣刺客呂
玄伯刺之龍覺捨之曰各為

古弼 代人少忠謹好讀書又善騎射仕魏

以功賜爵靈壽侯歷位吏部尚書
代人善騎射明元時累功遷內三郎

豆代田 從討赫連昌乘勝追賊入其宮門太

武壯之拜勇武將軍繼討平涼和龍有功封長廣王卒諡曰恭

車路頭代人以忠厚選為東宮帳下帥明元即位拜散騎常侍卒贈太保諡忠貞

伊馥代人少勇健走及奔馬善射仕魏為侍郎後賜爵河南公拜司空

周觀代人驍勇有膂力以軍功賜爵金城公後拜內都大官出為秦州刺史

陸侯代人太武征赫連昌詔督諸軍鎮拜冀州刺史後封東平王卒諡曰成

陸凱侯孫謹重好學仕魏為給事黃門侍郎在樞要十餘年以忠厚見稱出為

正平太守號良吏卒諡曰惠子暉暉弟恭之並有時譽人稱為雙壁

陸真代人少善騎射太武時以功進爵都昌侯遷河南公卒諡曰烈

劉尼代人勇果善射太武見喜拜羽林中郎封東安公尋遷尚書右僕射

奚斤代人累以軍功進爵宜城王兼司空太武以其年老賜安車諮訪朝政

呂洛拔代人以壯勇知文成末為平原都將隨尉完攻宋將正少承敗之賜爵成武侯

薛彪子代人為魏內行長典奏諸曹事克五固斬司馬朗之東南平除徐州刺史

為政多惠愛兵民懷思卒諡曰文子淑行貌瓌偉為典客令宣武謂曰卿風度峻整

後何以處官淑荅曰宗廟之禮不敢不敬朝廷之事不敢不忠此外非庸臣所及歷

官度支殿中二尚書

尉撥代人以戰功為杏城鎮將獻文時為北征都將進爵安成侯卒諡曰敬

朱長生代人魏孝文時為員外與同郡於提俱使高車其王以兵脇之降生提厲

聲曰寧為魏鬼不為汝臣拘三歲始放還以節拜河內太守提隴西太守並賜男爵

尉元 代人以善射稱為羽林中郎屢遷北

節都督東道諸軍事又以擊宋將張永拜

持節鎮西大將軍開府統萬鎮都將進爵

于烈 代少拜羽林中郎遷光祿卿詔除

王禧為宰輔遣人求舊羽林武賁執仗出

入烈不許禧曰我是天子兒天子叔元輔

之命與詔何異烈厲色答曰向亦不道王

非天子兒叔若是詔應遣官人今遣私奴

索官家羽林烈頭可得羽林不可得後禧

反烈時留守處分有備帝甚以為慰及卒

宣武舉哀于朝堂

給東園第一祕器

溫子昇 祁人大將軍嶠之後幼受學于崔

清婉熙平初射策擢高第補御史時年二

十二臺中輝文皆委焉濟陰王暉業云江

左人文宋有顏延之謝靈運梁有沈約任

昉我子昇足以陵顏轅謝含任吐沈楊遵

彥作文德論以為古今辭人皆負才遺行

齊

王則 太原人少曉果有武藝初因魏內史

平初頻以軍功都督荊州刺史邊人畏

服以勳封太原縣伯卒贈司空諡烈懿

劉貴 陽曲人剛格有氣官御史中丞加

庫狄干 忻州人鯁直少言有武藝魏正光初

四胡于 韓陵堯贈大宰配亨 神武廟庭

綦連猛

代人少有志氣便弓馬為神武親信軍功封廣興縣侯梁使來聘求角

武藝猛就館接之梁人引弓兩張皆三石猛遂併取四張疊挽之過度梁人嗟服突

厥侵逼晉陽勅猛規賊中一騎超出來關猛即斬之除并省尚書令領大將軍封山

陽王因諧削王爵復除大將軍齊亡人周卒

唐 邕

晉陽人明敏有才幹齊神武時擢文襄大將軍督護又為文宣所重帝嘗

白后云邕手作文書口比處分耳又聽受實是奇人累遷尚書令後授上開府儀同

將軍進封吳國公歷位少傅大司空陝州總管

周

王思政

縣人允之後容貌魁梧有籌略孝時以定策功封祁縣侯齊神武有

異圖思政建西遷之策拜光祿卿并州刺史加散騎常侍大都督鎮弘農繕城掘得

金三十斤督者暮夜密送思政曰人臣不宜有私悉封以獻周文褒之賜錢二十萬入

守穎川東魏來攻被違既久無救援城陷率左右據土山齊文襄使人說下之及引

見不少屈撓文襄壯而禮之接遇甚厚文宣受禪為都官尚書儀同三司置荊州三

十城以當要衝凡所舉咸得其才卒贈兗州刺史

王 慶

祁縣人少開悟有才略以戰功賜爵始安縣男頻使北蕃誠信著人後轉

汾州刺史政甚嚴明人不敢犯

王 雄

太原人少有謀略魏末從賀拔岳入關累官授少傅進位柱國大將軍

王

軌

祁縣人允之後性質直起家輔城公武帝即位累遷內史下大夫參預軍國大政從平并鄴以功進位上大將軍

王

康

思政子沈毅有度為周文親信襲爵太原郡公除驃騎大將軍

郭

彥

陽曲人少知名以功累遷龍門伯兵部尚書周閔帝時出為豐州刺史會

冀

儁

孟縣人後徙太原性忱謹善隸書特模寫以功累遷襄樂郡太守湖州刺史進退每以清約自處前後所歷俱有聲稱後進爵昌縣侯

于

謹

栗碑子有識量好孫子兵書大行臺塞後從廣陽王元深破斛律野谷等又從爾朱天光討賊入關後與齊神武戰大軍

得全討梁元帝旬六日遂平進封燕國公保定中以為三老固辭武帝北面受教賜

安車一乘授雍州牧薨贈太師諡曰文

尉遲迴

代人性至孝色養不怠在外所得甘脆必先薦奉然後敢嘗仕周封西都

侯任兼文武為時所重周文命率兵取蜀為益州刺史綏輯新邦夷民懷歸隋文將圖纂迴與子惇謀舉兵隋文密喻迴府長史晉和令為備迴聞之殺和集文武士庶激以大義莫不從命乃據相州自稱大總管所統青齊膠光莒諸州皆從之

侯莫陳崇

代人少驍勇善馳射謹慤少言從賀拔岳擒方侯醜奴封臨涇縣子

後岳被害從周文擒史歸平侯莫陳悅別封廣武縣伯累遷儀同三司改封彭城郡公擒竇泰復弘農破沙苑戰河橋又別討稽胡皆有功進位柱國大將軍周孝閔踐

祚進封
梁國公

王

盟

先樂浪人父熙伏波將軍以良家子鎮武川因家焉擢萬俟醜奴平侯莫陳悅皆有功除原州刺史孝武西遷封魏昌縣公趙青雀亂盟與開府李虎輔太子出頓渭北事平進長樂郡公遷太保進位太傅盟姿度弘雅仁而汎愛雖居師傅禮冠羣後而謙恭自處未常以勢位驕人魏文帝甚尊重之

叱列伏龜

代郡西部人容貌環瑋腰帶十圍進止詳雅兼有武藝為齊神武所寵任授大都督沙苑之敗被獲周文以其豪門解縛禮之大統四年封長樂縣公屢有戰功歷官驃騎大將軍

尉遲綱

迴之弟驍果有膂力善騎射以軍功封廣宗縣伯河橋脫文帝難進爵平

昌郡公明帝即位進位柱國大武將軍轉青州為政甚有綱紀與賊爭塘力戰封南鄉侯

尉遲運

綱庶子少彊濟志在立功以父勳封安喜縣侯明帝立以預策勳進爵廣業郡公時宣帝在東宮狎佞倖多過失武帝選忠諫鯁正者輔之乃以運為右宮正數規諫帝不納衛刺王直作亂襲肅章門運手自闔門又縱火大直不得進東夏底平運有力焉拜柱國進位盧國公歷遷上柱國秦州總管

達奚武

代人從周文平侯莫陳悅與擒竇恭戰弘農洛陽河橋芒山皆有功又平漢川築栢壁城歷位同州刺史爵鄭國公武微時好奢侈及居重位不盛威儀行常單馬騎從甚省或曰公位冠羣后何輕率若是武曰吾昔在布衣豈望富貴今日富貴不可頓忘疇昔天下未平國恩未報安可過事威容乎

若干惠

代武川人從周文平侯莫陳悅擒竇泰復弘農破沙苑惠每先登陷陣與

齊神武戰于河橋力戰破之芒山失利惠全軍而反周文壯之歷位侍中進爵長樂

郡公惠早喪父事母孝周文造射堂新成與諸將宴射惠竊嘆曰親老矣何時辦此

芻艾聞之即日徙堂于惠宅其愛重如此

長孫儉

本名慶明方正有操行不妄交太昌中邊方騷動儉初從爾朱天光破宿

勤明達等以功賜爵索盧侯周文臨夏州參預謀策權鎮涇州將十餘騎冒難赴之

安撫羌夷授荊州刺史所部鄭縣令泉璨為百姓所訟推按獲實大集僚屬引為已

過肉袒自罰於是屬城肅勵有竊盜者原情得實誨而放之梁元帝嗣位儉密陳攻

取之謀周文深然之平以元謀賞奴婢三百口進爵昌寧郡公鎮荊州總管十五

州諸軍士卒贈曾國公諡曰文

韓

果

代武川人有權略善伺敵虛實揣知情狀有偵細潛匿溪谷果登望之指

疑處往必獲從平寶泰用其謀取勝賞珠金帶一條除河東郡守從破稽胡胡憚果

趨捷號為著翅人周文笑曰著翅之名寧減飛將歷位少師進桓國爵褒中郡公

梁

椿

後除華州刺史拜大將軍椿性果毅善撫納所獲賞物分賜麾下咸得其

死力雅好儉素不營貨產時論稱焉

王

勇

代武川人擒寶泰復弘農戰沙苑氣蓋眾軍所當必破除雍州刺史本名

胡仁賜名勇以彰其功征蠕蠕有功進爵新陽郡公又別封永固縣伯

宇文

蚪代武川人擒寶泰復弘農及沙苑河橋之戰皆有功歷位驃騎大將軍爵

南安公後除金州刺史大將軍

耿

豪

鉅鹿人本名令貴其先家于武川沙苑之戰殺傷甚多血染申裳盡赤周

文歎曰令貴所向無前其甲裳足驗不須論級也從戰芒山謂所部曰大丈夫見賊須右手拔刀左手把鞘直砍直刺慎莫畏死周文壯之賜名豪以彰其功拜北雍州刺史進位侍中

庫狄

時其先遼東人後徙代為高陽太守政存仁恕後隨

恭謹見稱前後使蠕蠕突厥時狀貌魁梧善于辭令不辱君命周文謂時曰昔魏絳和我戎見稱前史以君方之彼有愧色歷益宜二州刺史進位少師爵安豐郡公

趙

昶

先天水南安人後家于代清水酋作亂周文使昶喻之羣凶脇以昶神

隋

郭

榮太原人容貌魁岸外疎內密宇文護引為親信擢中外水府參軍時齊寇

色自若志氣彌厲遂感悟而降復喻下氏梁道顯從平汾州叛胡拜安夷郡守帶長地鎮將氏俗荒獷昶威懷以禮莫不悅服周文嘗曰不煩國家士馬而能威服氏羌者趙昶有之矣錄前後功進爵長道郡公歷武州刺史徵拜賓部中大夫

屢侵榮以汾州與姚襄鎮相去懸遠請於州鎮之間更築一城以相控攝後齊攻陷姚汾二城唯榮所立者獨完從武帝平齊封平陽縣男遷司水大夫高祖以龍潛之舊進爵蒲城郡公累遷通州刺史煬帝即位入為武侯驃騎將軍以嚴正聞帝嘗謂百僚曰誠心純至如郭榮者無比卒贈兵部尚書諡曰恭

王韶 太原人幼方雅好奇節周封晉陽公

嘗穿池起三山詔自鎖而諫王

陶世謨 苛嵐人煬帝時漢王諒作亂州刺史

社稷蒼生之望諒謀不軌正當戮力請討

費穆 代州人涉文史喜立功名及六鎮

以朔州咽喉地乃請為朔州刺史招離合

楊義臣 代州人本姓尉遲後賜國姓資謹

賜却敵有功進光祿大夫禮部尚書

長孫晟 代州人為奉都尉送周千金公主入

隋滅周公主傷其宗祀之覆請復周仇突

厥與高寶寧合兵伐隋晟上書言其忌隙

其謀使誘各夷果息其兵功成除右騎衛

唐

唐儉 太原人邕之孫爽邁少繩檢隋末陰

累官禮部尚書封莒國公永徽初致仕卒

溫大雅 祁縣人性至孝嘗師文中子與弟彥

卿相才也高祖兵興引為大將軍府記室

儀典遷黃門侍郎弟亦為中書侍郎對管華近帝嘗從容謂曰我起晉陽為卿一門耳及秦王即位封黎國公贈尚書右僕射

溫彥博

雅之弟警悟明辨隋亂以謀誘幽州總管羅藝降召為侍郎諫高祖勿却

高麗貢方物後與突厥戰敗被執突厥數問唐兵多寡及國虛實皆不對及太宗立得還尋遷尚書右僕射掌機務進見必政事利害及卒帝甚惜之陪葬昭陵贈特進

諡曰恭

張士貴

孟縣人食邑盧氏從高祖遊屢立奇功進爵上將軍及從太宗東征有功

進爵勛國公子填孫廷寶曾孫知彰玄孫鑛俱襲前職悉有勲功于朝

王珪

祁縣人賦性沉澹太宗時為諫議大夫每進規益帝信任之令言玄齡等

材且自謂孰與諸子賢對曰孜孜奉國知無不為臣不如房玄齡兼資文武出將入相臣不如李靖敷奏詳明出納惟允臣不如溫彥博濟繁治劇眾務畢舉臣不如戴胄以諫諍為心恥君不及堯舜臣不如魏徵至激濁揚清嫉惡好善臣於數子亦有微長帝稱善玄齡等亦以為確論後拜尚書為魏王泰師勉以忠孝子敬直尚南平公主珪執舅姑禮卒贈吏部尚書諡曰懿

許世緒

并州人從起晉陽有功累官蔡州刺史封真定郡公

崔珏

一名元靖樂平人貞觀間進士仕長子令廉介公直發奸摘伏民不敢欺

虎嘗傷人珏以一使持檄追虎至而殺之諸處有祠

王方翼

并州人早孤哀毀骨立時號孝童高宗時累官肅州刺史烽邏精明河西

大蝗獨不至方翼境後遷夏州都督
為耦耕法力省而功多百姓賴之

李希靖

文水人明經積學言動恒以禮自檢
神龍初以進士拜監察御史正色立

朝直言敢諫當時咸畏其風采雖諸武擅
權亦不屈也性嚴厲教子義方蚤成大儒

郝處俊

博縣人貞觀中進士高宗時擢東臺
侍郎帝惑方士合不死藥餌之俊諫

曰脩短有命非藥可延先帝服方士藥大
漸時明醫不知所為議者將加顯戮恐取

笑戎狄而止前鑒不遠願陛下深察帝嘗
分音樂為東西册使雍王周王角勝俊曰

二王春秋少志趣未定當梨讓棗相親如
一今分二册迺相誇競非所以崇禮義勸

敦睦也帝若風眩議使武后攝政俊曰天
子理外后理內天之道也昔魏文帝著令

雖有幼主不許皇后臨朝所以杜禍亂之
萌陛下奈何以高祖太宗之天下不傳之

子孫而傳之天后乎帝善其言三事俱出
仕至中書令武后深忌之以操履無玷不

能害也帝嘗為飛帛賜侍臣賜俊
曰飛九霄假六翮人稱六翮相公

武攸緒

文水人少有志行恬澹寡欲周萬歲
元年以天派封為于牛衛將軍安平

王緒不忍革唐遂棄官隱於嵩山太后疑
其詐密觀所為緒遂優游巖壑冬居茅櫟

夏居石室太后所賜器服皆置不用買田
使奴耕種與民無異景龍二年降召嵩山

令緒以山服見不名不拜屢加寵錫皆辭
不受親貴謁侯寒溫外不交一言是時諸

武咸恃權勢緒獨樂志遠禍
朱子綱目特書深予其賢

武甄

文水人通春秋工文辭武后時畏禍
隱嵩山屢詔不應中宗復位拜修文

館學士孫元衡元和拜相從孫儒衡
氣韻高雅為諫議大夫後為戶部侍郎

狄仁傑

陽曲縣人舉明經嘗赴并州法曹登
太行山見白雲孤飛曰吾親舍其下
悵望久之而去同府叅軍鄭崇質母老且
病當使絕域仁傑請代長史藺仁基義
之曰斗南一人而已為魏州刺史禦寇有
方民立生祠祀之後以地官侍郎同平章
事周旋則天之側取日虞淵皆其謀卒中
宗復位追進梁國公子光嗣聖曆初詔宰
相各舉尚書郎一人仁傑薦光嗣
以稱職聞后曰祁奚內舉果得人

王仲舒

祁縣人幼讀書著文有特譽貞元中
以賢良方正登第為左拾遺德宗欲
相裴延齡舒與陽城交章言不可後改左
拾遺補闕歷陝婺廬蘇四州刺史善政為
諸郡守最穆宗重其文召為中書舍人尋
除江西觀察使毀淫祠舉荒
帝虛吏部左丞以待比薨哀
悼輟朝贈散騎常侍謚曰成

劉昌裔

陽曲人幼莊重不好戲及壯入蜀說
楊惠琳順命拜廬州刺史因署為州
佐尋為濮州判官檄李納時以大誼累進
營田副使後勸州守上官說堅壁不戰因
募突將暗出擊賊全城以軍中
推詔檢校工部尚書代節度使

李光進

河曲人貞元中為代州刺史破賊有
功遷御史大夫後封為安定王按綱
日元和元年夏綏留後楊惠琳拒命遣牙
將光進及弟光顏將兵討之初顏先娶其
母委以家事母卒後進始娶顏使其妻奉
管鑰籍財物歸于其姒進反之曰弟婦早
事先姑先姑命主家事
不可易也因相持而泣

李光顏

光進弟按綱日元和十二年諸將討
淮西未有功裴度曰觀諸將惟李光
顏勇而知義必能立功既而光顏果敗賊
軍上以度為知人時韓弘為諸軍都統欲

結之舉大梁城得一美婦人遣使遺之光
顏謂使者曰戰士數萬皆棄家遠來冒犯
白刃光顏何忍獨以聲色自娛樂乎因流
涕士卒皆泣厚賜使者並妓及之後為義
成節度使鎮滑州謀討李
師道拜司徒河東節度使

溫造

郿縣人大雅五世孫姿表瑰傑性嗜
詩書隱東郡烏重胤奏至幕下遷殿

中侍御史彈劾無所回護威望凜然時夏
州節度使李佑違詔進馬造劾之佑曰吾
夜半入蔡州擒吳元濟未嘗
動心今日膽落於溫御史矣

溫廷筠

造裔孫少敏悟工詞章與李商隱
齊名世號溫李仕至國子助教

武元衡

甄之孫景龍間為起居舍人上表請
抑損外戚不直言韋氏先請抑損已

家時以忠義稱元和間為御史中丞對延
英殿帝目送之曰直宰相器與李吉甫同

平章事出鎮西川願死邊陲自效八年復

知政事上悉以兵事委任與裴度協謀力
主伐蔡吳元濟密遣刺客殺之

武儒衡

元衡從弟氣韻高雅為諫議大夫劾
奏皇甫鎛剝下媚上之罪時論躡之

上欲用為相為令狐楚
所忌不果卒戶部侍郎

郝忠

榆次人舊志稱其文可經國武可濟
時珪璋之器無玷無瑕敵愾之心有

謀有勇官至明經宿
衛昭武校尉上柱國

王維

太原人開元中舉進士第一擢右拾
遺給事中祿山亂為賊所得賊宴凝

碧池維傷感詩有百僚何日再朝天之句
賊平後緣此詩獲宥官至尚書右丞詩與
李杜齊名東坡稱其
詩中有畫畫中有詩

王 縉 維之弟少好學與兄齊名舉文章清
憲部侍郎俄拜黃門侍郎同
平章領河東節度後知政事

茹汝升 代州人長安間為僕射本郡西俄峪
引水教民灌溉里人獲安業即
峪口立祠歲時祀之今不廢

索自通 字德之唐時為
方鎮有戰功

王 翊 晉陽人性謙柔歷山南東道節度使
代宗目為純臣卒贈戶部尚書謚忠

惠弟翊擢才兼文武科為河東少尹領節
度時悍將凌正約其徒夜斬關謀殺翊翊
覺陰亂漏刻以差其期遂擒正誅之累遷
經畧使討定夷獠卒贈尚書僕射謚曰肅

白居易 其先太原人徙下邳敏悟絕人工文
章貞元中擢進士拔萃遷左拾遺

事無不言出為江州司馬歷忠杭蘇州刺
史後拜太子少傅以刑部尚書致仕卒贈
右僕射謚曰文從弟敏中詞藻類兄
有器識咸通中拜相加中書令

王 鐸 太原人曹王臯節度江東表為江州
刺史鐸小心善刺軍中情偽臯推以

心腹德宗時累官尚書為河東節度使完
速省費以致財用豐餘後遷同平章事

令狐楚 字殼人五歲能文逮冠舉進士後為
太原書記德宗喜其文每省太原奏
議能辨楚所為由是名重累遷為中
書侍郎同平章事後拜山南節度使

王 緯 太原人為長安尉累官御史大夫時
裴延齡希寵以諸道負錢為羨錢緯
奏此皆諸州經費大忤
其意改檢校工部尚書

王 播 太原人與弟起並舉賢良方正為三
原令歲終以課最遷工部郎中知御

史刺舉不阿憲宗朝進領鹽鐵轉運使善議獄吏不能竄其私饋餉淮西兵得無乏穆宗立進同平章事居官以彊濟稱每視事簿領紛積人所不堪者播反為樂上下器其才出為淮南節度浚七里港以便漕引人賴其利

王起

與兄播並舉賢良方正遷中書舍人判度支奏營田以省餽輓歷河中節度使方蝗旱粟價騰踊起下令家得儲三十斛斥其餘以市民賴焉調山南東道興水利遂無凶年累擢同平章事凡四典貢舉所拔皆知名人服其鑒性尤嗜學書無不讀一經目弗忘

王彥威

太原人舉明經甲科補太常檢討嘗采編元和新禮累遷弘文館學士

白行簡

太原人擢進士授左拾遺累遷主客員外郎進度支郎中

狄兼暮

仁傑族曾孫剛正有祖風文宗朝為御史中丞官至尚書左丞

唐彥謙

并州人舉進士為河中從事歷晉終二州刺史後為閬州刺史所至皆有

惠政

王鐸

播之姪會昌初進士累官同平章事當國練習制度知慮周密出為義成節度使移檄諸將號令殷然故屢感巢賊官人田令致欲專其功乃陰構于帝罷為檢校司徒史稱鐸社稷才當大過之世為天下倡扶王室惜為孽豎所乘而功不終

王重榮

祁縣人以父任為列校剛勇有謀畧破黃巢定京師以功進檢校大尉同平章事封

瑯琊郡王

張承業

交城人僖宗宦官初主邠陽軍士入為內供奉後為河東監軍謀復唐室

晉王為其養民蓄財圖成霸業授以左衛上將軍固辭終身唐官晉王以傳國璽欲自立承業力諫不可勸哭乞歸卒謚正憲公

五代

史

捷

儼

代州人以騎射給事武皇為帳中將驍勇絕眾善設伏望塵揣敵所向皆

李承嗣

代州人從武皇討賊關輔為前鋒攻華陰擒黃巢使王汀以獻朱玫亂嗣

率兵援鄜州至清橋迎駕玫既殺入京師嗣又率兵攻岐人追至趙城合大軍攻平陽三日而叛

郭崇韜

代州人明敏有才幹莊宗時為樞密八日破梁定天下莊欲作清暑樓

韜曰昔居行營不知暑今居宮署不能度奈何對曰陛下昔艱難今安樂若今不忘艱難時暑自消矣副魏王將魏王將十萬眾不七十日克蜀為宦官向嗣延讒殺之

李存進

振武人本姓孫名重進太祖賜姓名養為子從破黃巢莊宗時遷行營都

尉侯磁沁二州刺史後代李嗣昭為招討使與張文禮子處球戰歿于陣追贈太尉

李存孝

代州飛狐人本姓安名敬思後臂善射披重鎧橐弓坐稍舞鐵搥以兩騎

自隨戰酣易騎上下如飛太祖賜姓名以為子晉取邢洛磁三州皆其功取潞州功最多為汾州刺史以不得昭義憤恚有異志存信因譖之懼及禍叛晉歸唐後出降

泥首請罪遂囚歸晉陽車裂于牙門王惜其才意臨刑眾將必為請眾素嫉其能竟無請者既死王不視事者旬日

李嗣昭

太谷人武皇養子膽勇過人為潞州節度使有惠政梁攻潞築夾城圍之

遣人招昭降昭斬其使閉城拒守撫輯兵民終無叛志及莊宗嗣立攻破夾城遣周

德威呼之嗣昭不信曰此為賊得以誘我耳威曰先王往矣今王自來破賊昭望見

王衰服痛哭幾絕天佑三年與德威取梁潞州後攻張文禮於鎮州為賊射中腦卒

李嗣本

初姓張氏鴈門人太祖愛之養為子從擊居庸破王行瑜及攻羅洪信破

夾城功遷代州刺史振武節度使從莊宗擊劉鄩還軍振武後契丹入代破蔚戰歿

相李金

并州人勇悍能折節下士事晉王為五院軍隊長戰栢鄉胡柳皆有功拜

忻州刺史禁部曲不與事遷隴州防禦使廢帝起兵拜保義軍節度使

安彥威

崞縣人少以軍卒隸唐明宗麾下明宗鎮天平威為牙將以謹厚見信明

宗入立歷遷捧聖指揮使領寧國節度使晉高祖即位拜北京留守徙鎮歸德遷西

京留守拜行營副都統以疾卒于京

安永信

交城人知勇過眾文武兼資為唐節度使謚忠簡公贈太師

劉復

代州人為國子祭酒上卿都尉以文章知名當世卒謚文靖

扈彥珂

代州人仕晉為河東節度使漢擢宣徽南院使贊周平河西加平章事

史建塘

代州人仕晉為先鋒屢擊梁軍敗走梁太祖夜拔營去以功歷貝相二州

刺史後討張文禮執刺史王鋌因中流矢卒

薛懷讓

太原人勇敢善戰仕漢擢安國軍節度使周封杞國公

鄭仁誨

晉陽人謙謹好禮初事唐將陳紹光光醉怒欲殺之誨植立不動光曰汝

器量非吾所及也後事周太祖每有疑事
即從質問及世宗攻河東以誨留守東都
廣武人初從周太祖麾下戍晉會劉
吳攻晉超以戍兵堅守遷都指揮使
周漢戰高平超先登陷陣拜節度使周圍
漢契丹救漢超為先鋒非戰遂歿于陣贈

太師

宋

史彥超

藥元福

李萬超

張從恩

郭從義

袁繼忠

尹憲

石普

晉陽人有膽氣善騎射晉天福中擊
漢契丹以功累官至檢校太尉宋初

加檢校太師老年筋力不衰人言尚
堪領兵必大喜時稱驍將卒贈侍中

太原人幼孤貧負販養母石晉時從
杜重威拒契丹流矢貫手拔矢復戰

神色自若屢立功授洛州團練使
太祖建隆初遷左驍衛大將軍

太原人初事晉由外戚擢金吾衛
軍禦契丹有功加同平章事契丹入

汴思歸漢為右衛上將軍周
封褒國公宋初改封許國公

太原人性純厚有謀畧善飛白書初
仕漢周以功累官至檢校太師宋初

加中書令出為河中尹以太子太師致仕
曾孫承祐歷知數州累官至殿前都虞侯

孟縣人仁厚忠謹宋初平澤潞并汾
征蜀廣及契丹皆有功累官判四方

館事後鎮高陽關賜資悉以犒士及卒家
無餘財子用威登進士第官至太常博士

晉陽人事太宗於潛邸及太宗即位
為殿直充延州保安軍使屢立戰功

歷瀛滄邢州皆
兼兵馬鈐轄

其先幽州人徙太原從父通給事晉
邸歷數路都總管累遷軍衛大將軍

有膽畧凡預討伐聞敵所至即馳頗通兵書陰陽六甲星曆推步之術太宗厚遇之

苗訓

孟縣人博通經史貫徹萬象善天文北征見日下復有一日又相摩盪指謂楚

昭輔曰此天命也後累官檢校工部尚書子守信知筭造乾元曆累官司天少監孟有墳墓碑識平陽府人物志亦有之誤矣

侯道濟

孟縣人祖元父嵩皆以武勇聞濟始以儒學登科任丹徒縣令贈北部員

外郎子可仕至殿中丞女適程珣生二程夫子孫仲良著書為世名儒悉濟家教云

侯可

字無可道濟子少喜穰苴孫武子學時西夏寇邊可以數十騎倅與虜遇

乃分其騎為三四張幟徐行敵終不敢近後從孫節討儂智高有功拜武節弗就改大理寺評事遷殿中丞勲騎都尉俱有異政壯遊四方博學羣經無不究其淵源尤

喜規人過後華陰

關中士子皆師事之

王溥

祁縣人父祚為防禦使溥為相祚嘗有客溥朝服侍立客不安祚曰豕犬

不足為起所藏書萬卷長子貽孫徧覽之累官右司郎中幼子貽永慶曆中拜相

輔超

忻州人少勇悍有力晉開運初應募隸澶州軍籍漢乾祐中趙思綰據永

興叛命諸將討之超率驍卒六七攻城升雲梯斫北門樓士卒擁進克之顯德中從太祖征淮南常執銳前驅定滁泗破淮陰下揚州宋初從太宗親征太原冒矢石攀堞先登身被十三創帝嘉其勇賜錦袍銀帶帛五十段後以功歷官都指揮使

劉易

忻州人性介烈博學好古韓琦知定州學說書不就寓居盧氏趙忬復薦其行

誼賜號退安處士易作詩琦每為書于石

治平末卒琦作文祭之云剛介之性天下能合者有幾淵源之學古人不到者甚多

賀惟忠

定襄縣人果曉兵初仕周知易州宋與授刺史兼易定祁等州都巡檢捍

禦有功撫士卒得其死力每乘塞用兵所向必克威震北邊契丹不敢南牧

朱光

宋太祖受禪以翊戴功擢龍捷指揮

滅李重進領軍征南伐竹為筏倚道厲淮擾亂南寇得利而歸帝曰他日見君面今日見君心吾事就矣歷仕節度使太祖遊相扶杖造朝乞老卒封沛郡開國公

白重贊

靜樂人初仕漢端州刺史從征太原淮南有功進檢校太尉補大將軍

高防

壽陽人累世將家父從慶戍天津關與梁軍戰死防性沉厚守禮好學善

詩文仕漢入宋官至樞密直學士知鳳翔卒太祖甚悼惜之

李謙溥

孟縣人性慷慨通左氏春秋後周時溥夜遣死士百餘搏敵營大破之宋初為

隰州刺史及汾路都監敵人不敗犯境開寶中為濟州團練使及卒太祖痛惜之子

高若訥

榆次縣人徙家衛州疆學善記於書無不通天聖初舉進士及第歷殿中

詩御史後改左司諫侃侃直言多所匡救累遷工部侍郎叅知政事卒謚文莊

武行德

榆次人材貌奇偉初仕晉累官奉國

指揮使為契丹所獲偽請自效遂走據河陽漢初授河陽節度後從周世宗討

侯章

榆次縣人晉時為指揮使斬契丹將

漢擢鎮國軍節度宋初改封楚國公

閻守恭

榆次縣人後徙家大名應募立功累

遷德州刺史為并代兵馬御軍甚嚴

雖家居如對賓客常訪求郭進事而師法之所得俸祿悉散與人因春社會諸親曰守恭太原一貧民耳徙步位刺史老復宮鄉里踰分多矣今日與卿輩談後十日卒

楊美

文水縣人狀貌雄偉操守廉潔初仕周為鐵騎都指揮使宋初為北海軍

使政尚簡易賞罰嚴明以德信懷軍民及平蜀不妄殺有戰功累遷端州防禦使几得賜予分犒軍士俸祿盡周給親故不為子孫置產死之日家無餘財僅城薄塋

牛拱辰

文水縣人天聖進士歷倅岢嵐定襄部郎中知房陵所至去苛細而寬約束清心潔已未嘗為子孫業

約東清心潔已未嘗為子孫業

張永德

陽曲人初以孝繼母周世祖為樞密表授供奉官押班及即位歷遷殿前

都指揮使周漢戰高平德厲兵奮進大捷征南唐敗劉仁贍破列砦十八處吳入

樓船蔽江德夜使習水者沒船下縻以鐵鑊船不得進引輕船急擊溺者甚眾吳平

授檢校太尉宋太祖即位討金陵征契丹下并汾德功居多封衛國公卒贈中書令

石曦

太原人仕晉為左衛將軍宋初從征太原及南唐皆有功歷知雄霸鎮原

四州遷至右龍武軍大將軍

李進卿

晉陽人少驍勇從周世宗戰高平累官都虞侯宋初以平蜀功累遷步軍

都虞侯終靜江軍節度使子延渥積功遷右領軍衛大將軍歷知數州

慕容延釗

孟縣人父章開州刺史釗少以勇幹聞宋初以功加檢校太尉卒追

封河南郡王次子德豐從征太原江南累官穎州團練使歷知數州

郭守文

太原縣人沉厚有謀畧宋初以功累遷宣徽南院使卒追封譙王平時所

得俸祿悉以犒士卒及卒家無餘財
女為皇后子崇仁累官磁州防禦使

王全斌

太原縣人仕周累官右廂都指揮使
宋初為西川兵馬都部署平蜀有功

大祖常因大雪解所衣
紫貂裘帽遣使馳賜

任山

太原縣人有志不仕法春秋作通
記擬井田作中田圖嘗應詔言事富

弼厚遇之所
著有進溪集

李洪信

晉陽人初仕漢侍衛都指揮使乾祐
中以群小用事求解軍職周加同平

章事宋初擢左驍衛上將軍致仕弟洪
義仕漢及周官至檢校太師加中書令

楊業

太原縣人初仕劉崇屢立戰功號楊
無敵太宗征太原業勸其主降太宗

召見以為代州兼兵馬都署屢敗契丹後
與戰敗以無援被擒不食而死贈太尉

吳元扆

太原人性謹讓喜讀春秋左傳太宗
選尚公主累官安州觀察使歷知鄆

定河陽潞徐州有憂民心
待賓佐以禮卒贈中書令

楊延昭

業之子初以崇儀使知保州屢敗契
丹後為高陽關副都部署智勇善戰

號令嚴明遇敵身先行陣克捷推功於下
在邊防二十餘年契丹憚之日為楊六郎

王守忠

晉陽人累官衛州刺史宋太宗時歷
知興元數州累遷威德軍觀察留後

呼延贊

陽曲人以積功累官至康州團練使
性忠勇徧文其體為赤心殺賊字至

於妻孥僕使皆然諸子耳後別刺字
曰出門忘家為國臨陣忘死為主

王信

太原人少勇悍真宗時應募以擒賊
功補龍神位指揮使累功遷保州刺

史王則反為貝州城下都總管城破則
遁信率兵執則而還拜威德軍節度使

邢昂

太原人高蹈不仕時宰相寇準文彥博王曙陳堯佐范仲淹等咸雅重之

慕容德琛

延釗弟屢官內殿崇班知夔州討反賊李順及李陵蠻皆有功景德

中以并代鈐轄知憲州為右監門尉大將軍

安俊

太原人仁宗時補殿直後歷知數州累遷侍衛步軍都虞侯俊久在邊羗

人識之嘗為州都監神世衡得俘虜問曰若輩孰畏曰畏安太保

王

凱

全斌曾孫徙家京兆寇準奏為三班奉職累遷麟州都監嘗敗夏兵以功

遷侍衛副都指揮使謚壯恪凱治軍有紀律善撫循士卒與敵戰未嘗挫衄

楊文廣

延昭子從狄青南征為廣西鈐轄知宜邕二州累遷興州防禦使秦鳳副

都總管後徙定州遷步軍都虞侯遼人爭地界廣獻陣圖并取幽燕策未報而卒

潘夙

孟縣人美之從孫天聖中上書論時政授仁壽主簿後為河北轉運使章

惇察防荆湖討南江蠻徭夙陳憂邊狀以知潭州再遷光祿卿知鄂州俱有惠於民

吳師古

孟縣人紹興初進士狀元因銀書於金坐流袁州子元英觀文殿學士元

美太常寺主簿三進恢復策秦檜矯詔竄容州孫芾尹隆州府曾孫直翰林學士

何宏中

代州人幼以奇節自負尤長詩文宣和末賊擾江左陳破賊三策徽宗納

之賊平悉如其策授河東北兩路統制接應使使金不屈於虜名益著

張崇嗣

孟縣人舉進士遷樞密承宣兵部尚書韓令坤以嗣剛直不阿門無私謁

薦授成德軍節度使賜紫金魚袋四子食祿於朝悉有令名

李允則

謙溥子知潭州兼管幹湖南南路巡檢兵甲事除暴斂定茶制會湖南歲饑

欲發廩先賑而後奏轉運使不可則曰須報踰月則饑者無及矣不聽明年又饑執前議不可乃以家貲為質活者數萬人王起敗於滄人心危動則勸使衰經面師而哭解眾忿仍趨起整帥以進真宗降詔褒之轉寧州防禦使調護羗人遠近信服

侯仲良

孟縣人道濟娶程珣女良為二程內第一統志以道濟娶程珣女良為二程甥者誤良

從二程遊邃于性理得孔孟正傳人有館良者見其壁懸佛像口讀佛書良即去之朱元晦稱其學清白勁正胡康侯稱其經術通貫所著有侯子雅言行世

趙密

清源人政和中用材武試為北隊將密遄赴建炎初從張俊討寇敗金人於明州累功遷龍虎衛都指揮使後加少保

折御卿

尚嵐人為經畧太尉取勝州麟州復宋故郡取契丹於子河汭既疾毋密

詔之卿曰世受國恩邊寇未滅卿罪也今臨敵安可棄軍士自便死於軍中適分也為白太夫人幸勿念卿忠孝豈能兩全言訖泣下翌日卒詔以其子惟正知府州事

折克行

御卿後善用兵所向克捷經畧河右金人畏之呼折家父望見旌旗即避

去黠江侵涇原行乘夜出師與戰大敗之嘗兵屯天都軍需患不繼行開涇漕輸之

張象賢

孟縣人皇祐進士授工部主事陞戶部郎中集賢學士兼侍中特進尚書

僕射性貞毅凡有私謁必嚴辭斥之弟象仁熙寧進士授校書郎上事忤旨落職隱

白鹿山象儀亦進士擢殿中侍御史彈劾不避權勢轉朝講大夫至金紫光祿大夫

吏部尚書特進左僕射三人皆好友常以蒞族為訓其後子孫貴顯為名臣者眾

吳玠

孟縣人為陝西諸路都統制金人入三川玠與弟璘戰七晝夜金軍宵遁

玠與金人對壘十年嘗苦遠餉勞民屢汰
兀員節浮費益治屯田及和議成以功高
授開府儀同三司四
川宣撫使卒贈少師

吳璘

玠弟與兄同節制陝西諸軍時金人
將議請少退璘厲聲折之請以百口保破
敵遂敗金軍金將胡蓋善戰闖敗走保臘
家城璘攻城垂破會議和詔班師後為四
川宣撫使復秦隴洮商虢州又取環州還
河池復蘭會熙鞏等州及永安
軍封新安王卒贈太師謚武順

楊沂中

崞縣人少警敏日誦數百言魁梧沉
鷲宣和末應募擊賊積功至忠翊郎
靖康初金人再圍汴中入援金人攻明州
中從張俊死戰破之累官檢校少保後封
同安郡王卒謚武恭子俟
工部侍郎倓僉樞密院事

王中立

崞嵐人好奇偉不樂仕進妻死不再
娶居一室如禿僧數年乃出人覺其
談吐詩翰異常問之不言晚年易名
雲鶴自號擬羽臨終預知刻期而卒

金

孫九鼎

定襄人天會中狀元有詩名與弟九
疇九億同榜登第官翰林吳彥高嘗
贈詩云清廟瑟三
嘆齋房芝九莖

元好問

忻州人能詩及長淹貫經史舉
進士歷鄉南陽令行尚書省左司
員外郎金亡元徵為翰林學士不仕為
文備眾體蔚為一代宗工卒謚文貞公

王甫

忻州人淳質有儒行生二子而妻死
不更娶二子未受室并曰事親貧居
破屋蕭然而絃誦之聲不絕長
子萬石次萬鍾俱有詩文名

張翰 忻州人 大定末舉進士 累遷監察御史 翰林直學士 戶部侍郎 尚書

王特起 崞縣人 泰和中進士 為真定錄事 參軍 有惠政 民立碑 頌遺愛 改沁源令

胥鼎 崞縣人 由進士知平陽府 兼河東南路兵總管 聞蒙古兵度潼關 卽遣將

將兵趨陝西 自以精兵援汴 金主嘉其忠 拜尚書左丞 遣還 建言利害 十三事 多見

採用 尋敗蒙古于平陽 進平章政事 封莘國公 以詩名 其賦剪燭

武伯英 崞縣人 少舉進士 心吐蹴落春紅燕 刀有啼殘瘦玉蘭 稱仕

尾香之句 甚為時輩所稱 仕 為觀州 倅貯書有萬卷 樓

楊雲翼 樂平人 明昌進士 第一 有文名 象數皆精 究評者 謂其身備四科 累

官翰林學士 禮部尚書 謚文獻公 子恕 舉進士 仕元 為翰林侍制

郝俟 太原人 正隆進士 仕至河東北路轉運使 有虛舟 居士 集行於世

郭文振 太原人 承安初進士 累官遼州刺史 深得家心 興定中 招降太原 山東二

百餘村 得壯士七千 命權元帥 右都監行 元帥府事 封晉陽公

聶天驥 五臺人 至寧進士 京兆治中行 尚書六部事 性資沉靜 雅道自持 金主遷

歸德驥 留汴中 崔立之變 被創甚 女舜英 延醫救療 驥死 舜英 莖之 明日亦謚

何瑛 太原人 守鉅鹿 戶權軍器監 主事 金亡 徙家廣平 子榮 祖以吏業 折節讀

書 日記數千言 任山東河南按察使 斷獄明決 後至朝文 館太學士 預中書省事 又

加平章政事 卒 贈光祿大夫 司徒 柱國 公謚文憲

閻顯 樂平人 天會間 充義兵千戶 性剛勇 有才聲 時干戈甫定 闢草萊 招離散

一境以安官至龍虎衛將軍沁南節度使弟甫才智明敏官懷遠大將軍招撫副使

元

王

兆

繁時人少有雄氣好俠游排難解紛

潰城中遺民謀走南山乃率眾詣王帥款

附邑賴以安後累遷昭武將軍節游獵勤

政務招集散亡勸課農桑弟斌善騎射兆

特為爪牙嘗捕金將武仙餘黨于五臺山

郝拔都魯

太原人善騎射通鐸語拜宣德等

凡遠道租稅過重者悉除之卒封冀國公

謚忠定因家交城子天益天舉天澤皆至

管總

同

恕

太原人父繼先博學能文家世業儒

日記數千言年十三魁鄉校拜國子司業

後鎮教魯齋書院從者數千其學由程朱

上遡孔孟曲為開導累遷集賢侍讀學

士贈翰林直學士封京郡侯謚文貞

王

良

平晉人仕元至晉寧路潞州知州兼

壽皇明永樂年鄉薦歷官南京工部尚書

德望為時推重永亨天順年鄉薦知隆慶

州歸家無餘貲亨子瓊登成

化甲辰進士官兵部尚書

胡

巨源

榆次人登進士第任高麗軍民總管

惟堯領鄉貢仕晉寧路學正寬裕不事

邊幅士子樂與之游博雅出巨源右

杜

安

孟縣人少有謀畧從世祖游累有戰

大將軍南蠻叛又遣

安討之不戰而平

文

忠

孟縣人有膽畧授金吾衛將軍所至多立奇功後除道州監軍使軍士有疾命醫療之且親嘗湯藥衆軍士莫不感奮

陳

玉

孟縣人父繼屢立大功授汾西大將軍時值金亂兵戈滿地玉惻然曰軍民何罪而陷於死地正丈夫用命之秋遂捐軀濟難憤勇而前保於京山世祖嘉之命懸帶金牌授龍虎衛上將軍防禦使弟瑛果敢有謀且善騎射亦授監軍使

吳

琇

孟縣人豪邁有謀畧至正間盜賊紛起官莫能治琇時爲通判防禦使所部肅然賊不敢近上聞其賢擢爲太師兼安遠大將軍

喬信武

定襄人開國授十戶賜田百頃家號十萬周貧濟急倡潛水渠百姓賴之

樊大勝

定襄人以武功與弟天用俱授行九原府元帥總押觀察使封安遠大將

許

楫

忻州人幼從元好問學年十五中詞賦選又舉賢良方正孝廉累官陝西道勸農事江西按察使歷徽州東平兩路總管所至皆有循良政

劉

壁

忻州人歷牧守遷本州兵馬都總管知本府事蒞政仁賢吏畏民懷

劉

鏞

忻州人至正間爲榆次尹以儒飭吏筆翰如流縣政一新時巨寇劉八忽等自陝至潛出邑境鏞察其有異收之果服人以爲神及去耆民立碑頌之

皇甫德

崞縣人丰采奇偉木華黎器之延誥時務德議論英發因拜信威將軍本州觀察判官行元帥府事鈿强梗興學校勸農桑以良牧稱

趙惟賢

崞縣人博學能文由國子生授孔顏孟三代學教授陞平遥尹仕至太常

禮儀院奉禮郎所著有春秋集傳刑統賦解秋江文集諸書

劉好德 平定州人自幼聰明德學昭著仕為高

德整飭有方撫安復業興學育才士風大變

王克義 崞縣人自幼好學由國子生授平準

職轉定襄縣尹旬月而治民歌曰斷幾件精細事取幾箇明白招只比龍圖不

傳顏 平定州人至元間為安丘令歲饑捐

俸賑恤富室感動悉願出粟境中安堵桴鼓不鳴部使者奏顏五課悉最累遷瑞州總管善政甚多

葛禮 平定州人字從禮居鄉以德行著稱

及歷中外以德望為名流推重歷工部尚書河間總管卒贈嘉議大夫中書禮部尚書追封頓丘侯謚僖敏

耿承祖 平定州人以父文應授壽陽尉治尚

嚴肅號霜面尉改平晉主簿以公廉稱尋為崇文閣照磨遷婺州路知事以老母歸養後舉孝廉授太常太祝

呂思誠 平定州人允之子母馮氏方姪時夢

文昌星也寤而生誠兩目神光炯炯見者異之家貧力學晨炊不給欲以布袍易米

室人難之誠為賦詩解嘲畧不經意後登泰定年進士授遼州同知調景州齊縣尹

著異績歷中書左丞光祿大夫三為祭酒總裁宋遼金三史卒贈齊國公謚忠肅

李汾 樂平人尚氣節磊落不羈喜讀史詩

後為行尚書省講議官與元好問齊名

張德輝 交城人少力學有經濟才金末兵興家業殆盡史天澤開府真定辟為經

歷官初世祖藩邸聞之召見輝以聖賢道德之語脩身治國之方古今治亂之由詳陳世祖許之呼其字而不名俾教胄子為大宗師及世祖卽位起為河東宣撫使下車擊豪強黜賊吏均賦役民戴之如神明至元初參議中書省事擢侍御史不拜

郝天挺

交城人性資英爽志畧雄深官至中書平章註唐詩鼓吹封異國公子佑

官至西臺御史孫忠恕翰林侍制獻所著無逸圖總裁宋遼金三史後隱居終身

馮純

陽曲人舉進士為河南行省平章後封魏國公子思溫孫本俱貴顯

馮恩

陽曲人通經籍敦行誼蒞官嚴明累官御史中丞集賢院大學士

王守成

陽曲人泰定初進士由秘書郎累官至禮部尚書進行省左丞卒謚文昭

司良輔

代州人舉鄉試除學正不就家居教授程朱之書諄諄開示領畧者眾

武旗

太谷人以儒進身歷知安慶路相城縣事發摘如神淮西廉訪司與安慶

交章舉薦後歷省部臺二十餘年多善政官至安肅省參政妻王氏罵寇死節

杜克溫

太谷人為上都警巡院使有沒入男女奏許令配偶吏民為之語曰古有

杜母公其父也官至銅鐵冶提舉使

覃資榮

其先懷來人以弟資用令交城因占籍焉官至懷遠大將軍錫金虎符行

元帥府事

覃澄

交城人決郭帥所據文谷水均溉民田請免僑民逋賦盡削其迹而復其

來歸者後官至陝西四川道提刑按察使兼同知宣慰使封弘農郡公謚忠宣子克脩係長克柔次克思克脩子長忠次質次文克思子敬相從貴顯皆以治績聞

狄元昌

保德州人。絲出宋樞密武襄公青後。暨弟元勝。元德元祿。以人材選授提領十二郡管。崞等諸驛。傳昌善騎射。多藝能。鄉里有窘迫求之者。指囷貸。施臨終。取券火之。曰：吾身後不可令子孫徵負于人。有子八孫。十二皆以貴顯。

杜質

榆次人。資性嚴重。博學雅量。雖一吟一咏。莫不包括道義。激勸風化。一時人士咸雅重之。歷仕翰林院編脩。江北燕南兩道廉司。經歷江南諸道監察御史。

劉可

字獻之。孟縣人。特撫定太原。命分治本縣。主簿西鄉。事兵革之後。遺黎反。側賦歛繁。重公以方畧寬貸之。上下悅服。子興洪。孫珍。俱有美聲。

鄭琬

孟縣人。性資異常。讀書日過不忘。遂成大儒。太保府聞擢為門下令史。未幾除屯留尉。復擢中尚監知事。又擢宛平縣主簿。德政大布。人心服悅。

曹文章

孟縣人。少有異器。年六十餘當道。其賢舉為濠州刺史。時土之豪姓者最多。前後刺州者莫不受害。章處治有法。逮下有恩。豪姓感化。

高溱

孟縣人。舉孝廉。知太原府事。弟清同知保德州。事津樂平縣尹。浩獲鹿縣尹。悉有惠政。子貴孫廣。以恩補栗陽令。謝政歸處。家和睦。同龔二百餘口。庭無間言。

塔海

孟縣人。任廬州路總管。時飛蝗。海禱於天。蝗引去。亦有墮水死者。民乏食。開廩減值糶之。陞朝請大夫。金牌虎符。領太原府事。子孫改姓孫氏。

郭周

崞嵐人。歷關外六州。元帥值歲。屢歉。四隅攻奪。開食賑濟。境內帖然。平定人。博覽羣經。長於諷詠。兄彥恭。為詹事校書郎。逢與齊名。世號二顧。

韓仲彬

繁峙人。至元間。以明經舉。知應州。金城縣事。為政公平。持身廉謹。後同知。

堅州服其官益虔以績最遷知代州

殷仲溫

繁峙人父珍有隱德州縣屢辟不就

五遷朝列大夫
僉中書院事

國朝

劉寅

崞縣人洪武進士授兵部主事累遷

和文

保定人有學行洪武間以通經儒士

致仕 詔賜宴賞命諸王公
卿賦詩為餞有司護送還鄉

吳昭

孟縣人性頑悟博通經史洪武間授

除害民甚便之會天變求直言
條陳國事切中時宜詔褒美之

吳印

從弟有卓識古今事變洞曉元末

政使所至有惠政副使張孟兼負其能
屢輟之印上書請釋放詔褒印兼罪孟兼

齊麟

五臺人洪武進士官翰林編脩歷禮

郝鵬

徐溝人由太學生累官湖廣參政

閆察

平定人洪武進士除禮科給事陞監

叅議會擊中當浙使所司以聞上曰直
臣也宥之尋陞左布政使卒賜祭葬

劉圓僧

定襄人以孝行徵為翰林院洗馬

楊善

樂平人成祖北遷守城有功授序

回鑾加陞都察院左都御史後以奪門功
封興濟伯世襲錦衣衛指揮孫偉尚崇德

太長公主萬曆二十九年蒙恩詔廢其孫楊天佐入監讀書

孫靖 平定人以都督府都事忤權臣石亨調四川渠縣令治多惠政渠人祀之

耿九疇 平定人永樂進士擢禮科給事言事得大體正統間遷運同尋轉運使刻

革宿弊廉名大著陞刑部侍郎屢辨冤獄時朝議關中重地奉勅往撫革弊黜貪威

望愈振聞朝廷命有司買羊角以充燈費上疏罷之天順初召為左都御史欲發曹

石之途返為所排出為江西布政上知其清正召拜南京刑部尚書卒諡清惠

張旗 榆次人知安丘會賊唐賽兒等攻城旗請兵至合擊敗之事聞擢參政

楊寧 忻州人永樂進士授戶部主事陞本部郎中有清節及卒止遺銀帶一圍

子敦尚氣節正統進士授雲南道御史以直言左遷新都縣有治稱孫琦有孝行

戈謙 代州人永樂進士授御史遷大理少卿頻進讜言上疑其賣直楊士奇曰

謙不諂大體誠有之然其心實感恩圖報耳幸且優容不然進言者懼矣上怒不解

停謙朝謁月餘無言事者上乃命士奇草書諭羣臣召謙擢都御史巡撫四川

王永壽 太原人永樂鄉試擢御史巡按貴州蘇松風米大振超擢工部侍郎進尚

書弟永亨天順鄉試知昌黎縣陞知隆慶州致仕後以子瓊貴贈少保兵部尚書

周瑄 陽曲人宣德鄉試除刑部主事正統已巳扈從被虜脫身歸歷陞右都御

史南京刑部尚書性剛直蒞政勤敏當大事決大疑推誠布公廟堂嘉其忠節

李顯 奇嵐人生時止一血泡以為恠棄之外祖曰有嬰在中名連泡生多貴收

而割之果得男宣德鄉試清節自勵官至貴州參議未嘗增益田產後奕書香不絕

白

侃

平定人正統進士拜監察御史按南畿條陳多採用時給事王徽抗疏忤旨禍且不測侃率同列論救公議重之

巡光祿太倉居庸俱有冰蘖聲歷官副使

喬

毅

樂平人正統進士授翰林庶給士歷

吏刑兩科紹事數上章糾官邪規時弊多見採納擢大理寺丞轉少卿獄必以情陞工部右侍郎督理漕河有政績居

官不詭隨一以勤慎為本子鳳舉進士官兵部職方司郎中亦以勤慎名

古

鏞

祁縣人正統進士選翰林院庶吉士

陞山東僉事時漕河決張秋京師震恐諸脩築者無成績後鏞董役設法脩治超遷本省按察使多異政隨轉大理卿兩

任廷平無冤民朝議謂張秋之功尤大即其地立祠祀之

耿

裕

平定人九疇子景泰進士擢給事中華州訓導尋遷麟遊教諭恒以祿不

翰林歷祭酒至吏部尚書世守清

申

綱

陽曲人景泰鄉試為人魁岸工詩文

選御史攬轡河朔奸貪望風屏跡歷松江九江太守兩郡士民尸祝之居家無厚產清貧自甘有故屬吏劉宇嘗暮夜餽

金峻却之後宇為冢宰念綱清苦寓書臺使者月餽錢米猶毅然不受

王

鑑

太原人景泰進士除監察御史時石

亨侍寵亂法鑑率同列論之亨願指羣小撻之濱死謫知膚施縣及亨誅擢延

王

璟

陽曲人景泰鄉試授濟南府同知擢

知本府陞叅政所至有惠政歷南京

孫

榮

榆次人家貧處之祜如景泰鄉試授

逮親為歉輒蔬食水飲終身弗御酒肉
居官凡四陳時政得失疏累萬餘言

韓彰

陽曲人景泰鄉試仕池陽推官復補
介歸困僅携所歷俸資日置酒延親故
劇飲歲稔又捐資賑族黨貧終其身

周經

瑄之子天順進士為春坊左中允侍
皇太子講文華大訓太子每起立
拱聽弘治間擢禮部右侍郎每議政必以

大義若却西域貢獅毀黃材尼寺進戶部
尚書給事曾昂請以諸藩積貯羨銀盡輸
太倉經言蠲織造賞賚齋醮土木之費自

裕於用有旨取太倉銀三萬為張燈具
經謂不可以小民脂膏供耳目之玩疏寢
之一時諸王府及近戚貴幸有所陳請悉

裁以法後加少保致仕謚文端賜葬祭
梁璟 縣人天順進士官至南戶部尚書

梁璟

雷澤

定襄人天順進士除刑科給事危言
讜論抗直不避權貴上疏劾被杖
幾死瘡痊復諫一時暴橫斂
迹官至工部侍郎以清慎著

孫昌

榆次人為文博敏宏肆頃刻數千言
天順鄉試授涇州守規措有方緩征
愛民尋調商州郡有張某者仇家誣以謀

殺游僧獄已具昌密遣使訪獲其僧而證
之某遂得釋人稱神明秩滿
詔

郝毅

字致遠榆次人天順鄉試授鞏昌府
通判下車牒訟紛紛談笑立決勸勵
學校日自督責剛正目持不輕喜怒以小

憾落職屏居別墅五十年不涉城市躬課
耕桑以給伏臘年
逾九十容不衰

韓士琦

繁峙人歷任陝西關南副使天順間
賊首定山等嘯聚謀逆占據洋固二

縣改元僭號圍攻漢中琦多方募兵飭器械潛伏要地梳洗橋西岸下候賊兵半渡縱兵擊之賊大潰生擒定

梁源

山黨屬五百餘賊遂平
中與韓文雷澤同官金稱骨鯁嘗劾都御史王越邀功啟釁薦前兵部王竑都御史高明內頗涉昭總宮上怒逮至文華殿拷訊尋釋擢陝西叅政守洮岷番賊入寇提兵斬渠魁洮民以安弘治初巡撫湖廣永州寇作督兵平之移撫四川擢南吏部侍郎進戶部尚書致仕歸

楊傑

平定人少遊太學為耿文恪公所重成化進士充經筵講官時上服飭奢靡進講尚書無逸篇至文王卑服即康功及復諷喻語意剴切上為感動易服又同修憲宗實錄書成晉洗馬主考應天鄉試還充講讀官與脩會典卒上深悼之賜祭

白思明

平定人成化進士知嘉定縣嘗築堤以防海溢民德之擢吏部文選主事進郎中至南太僕卿卒賜祭弟思義為陳州知州以廉慎稱義子金少負氣骯髒不

郭曦

字景暘榆次人成化鄉試授新蔡知縣歲祲貯粟萬餘賑活甚眾陞開州同知有流賊屠掠郡縣率民兵禦之城賴以完擢河南通判除改濟南府致仕

杜秦

京戶部主事時途瑾勢傾中外凡晉秩者率厚遺謁誅秦獨不行瑾御之僅數月奪其官後起員外郎以年老致仕

王瑞

陽曲人成化鄉試任丹陽縣丁父憂改獻縣丹陽時有權勢豪橫以法抵死獻縣有椒房親強奪民田瑞以計給乙豪右悉斂迹焉

唐希介

陽曲人成化進士選庶吉士改工科給事陞陝西副使督軍餉餉多羨餘中官欲私取介執不可搆諸逆瑾矯制

趙清

益州人成化鄉試授齊河縣有洪店益王山殺人於王臻之側眾誣執臻

不勝鳴若有所訴清曰誰氏之牛眾曰王臻牛

也清口臻其有冤乎抵縣即辨釋臻父子

張蕙

後鞠山也為臻訴山更何詞殺入於臻側者

王瓊

齊人助州人成化進士任句容縣擢御史

甚有風望巡按山東監試持法公嚴

時稱待士陞浙江按察司副使介峭直忤時構誣罷

太原人成化進士起家戶部郎中武宗廟召拜侍郎轉兵部尚書凡天下

兵馬數多寡強弱及塞隧夷險偏裨否才一覽悉記時政在官豎上多遊幸饑民揭

竿稱亂者數萬橫行天下彭澤陸完先後半戰餘黨次起瓊授以方畧隨就職夷宸

濠反報至舉朝皆懼瓊徐曰豎子素行不義其反必矣吾鄉假王守仁便宜正為此

料成擒耳守仁果執濠後代揚一清總督諸軍邊人建祠祀進太子太保復改吏部

卒贈少保謚恭襄瓊遂于理學詩文高古與喬白巖王虎谷同榜時號河東三鳳

喬宇

樂平人少有藻思從遂菴楊公學成化進士歷陞文選郎三與考察公慎

不私陞太常光祿卿歷南兵部尚書時御史林有年以言事被逮宇上章論救得釋

又疏止迎佛乞建儲知宸濠有異志密布方畧預遣楊銳署安慶守備以扼之城守

江防皆極嚴密宸濠不敢徑逼留都拜吏部尚書黜陟甚公以議大禮放歸數年卒

穆廟改元賜葬祭謚莊簡第宗舉鄉試以中書舍人歷南京光祿寺卿

閻璽

壽陽人年十八登成化進士授戶部主事兼理鈔關稅羨歲以萬計秋毫不取墜河南穎川兵備副使以守正忤逆瑾卒為所陷免官歸瑾誅兩臺交薦不起

陳璧

太原衛人成化進士初知嘉興武邑二縣擢御史巡按山東辯明太保劉珣獄轉山東副使遷按察使歷南太僕卿貞方廉潔權豪斂手擢都御史

崔侃

陽曲人弘治進士歷官保寧知府操守廉明政蹟大著有疑獄未決者悉為辯釋蜀祀名宦家居三十餘年壘粥自甘杜門不出

劉繹

代州人弘治進士初授戶部主事陞郎中督理邊儲正德間因抗逆瑾落職未幾擢監察御史知衛輝府值流賊至城下捍禦有方城賴以全

寇儉

榆次人年二十始向學博綜羣籍竟日無斃弘治進士授大理評事陞寺副駁覈多所平反藉有時譽值內艱以憂勞成疾遂不起

解一經

交城人弘治鄉試授平原令遇荒捐俸以賑廉介執法歷陞南京戶部員外郎中雲南廣西知府遇征安南率兵前進賊夜遁走後上疏乞歸公門斂迹淡薄自守隆慶元年恩例進階亞中大夫壽九十有六

陳璧

太谷人弘治進士除行人司副屢使親藩不受饋遺陞刑部員外郎累議大獄不阿權貴陞陝西左叅議會漢中鵠賊之亂督軍饋餉陝湖廣兵備副使勦徭蠻有功加從三品俸撫治荆襄鄖漢等處流民守制回藉卒贈南京吏部尚書

謝璽

代州人弘治進士令容城多惠政歷按察司僉事之楚破萬山寇以功賜

金帛家居廉靜有隱德其子孫
金紫繩繩人以爲積善所貽

郝夔

平定人珙之子弘治進士擢禮科給
事正德初虜騎南牧上命行邊偵視

時逆瑾用事袖出片紙曰劉二漢等皆我
族幸錄斬虜功當以上卿報公夔莊色拒
之曰有命瑾不憚明日中使來言夔叱曰
予朝廷命臣使者何得無禮中使曰公無
忿瑾付有駕帖令械公且令殺之夔嘆曰
予爲天子耳目臣不能寢茲逆謀願從此
請如生平所學何遂經死後瑾敗嘉靖改

元 詔舉褒忠廷議首以夔請遣官諭祭

閻邦重

壽陽人弘治鄉試初授浙江鹽運司
判廉慎自勵擢兩淮運副武宗南狩

中宦恣縱縉紳皆危重獨毅然不
屈抵家以所得餘俸悉惠族屬

薄彥徵

陽曲人弘治進士官南御史屢上諫
言權貴憚忌逆瑾擅權劉健謝遷

元老同日掛冠徵率科道上疏瑾大怒逮
繫詔獄主事王守仁上疏救之併杖斥

間仲宇

代州人正德鄉試授華陰尹治行卓
異召起部郎抗權貴謫州同逾年陞

河州守巨盜劉漢夥衆劫掠前吏不敢問
宇至逮治將具獄盜大言曰吾家累千金
豈爲盜者意以多金陰動宇宇卽撲殺
之并窮治其黨以失當道權坐構免

孫承祖

平定人正德間應例入太學授深州
吏日以河功陞華亭縣丞攝令事嚴

肅見稱改丞宜興會海寇剽掠祖訊如窟
穴盡俘其黨賜金綺擢知南宮蕩平流賊
捷聞改知肅寧復知英山時寧藩不軌
督府檄率鄉兵策應獲僞校申淮等衆

李宗

樂平人初家貧事親躬操杵曰雨敗
鄰垣塌錢數斛宗不取邑人有不當

死罪者極力救辨得免正德進士擢刑科
給事劾權宦蔣琮遷光祿卿裁一切冗費

時劉瑾用事宗毫無愧遺勒宗致仕瑾伏
 誅補陝參政子天衢英敏有父風年十八
 登進士第授戶部主事督稅臨清瑾重索
 衢若不喻意竟弗予遂謫陳州守流賊所
 至城輒陷衢百計堅守無恙民建生祠祀
 之歷官參議抵家無百金人稱為清白吏
張文明 陽曲人正德進士為監察御史時中
 典史尋復職以內閣政本具疏請辨忠邪
 以端治亂之本為時宰所嫉出知松江府
 嘉靖初勅褒忠
 諫贈太常少卿

寇天敘 榆次人少警敏能孝友正德進士授
 南大理評事讞駁詳明擢寧波守釐
 弊蠹折豪強陞應天府丞 武廟以討逆
 駐蹕留都江彬怙勢燻虐敘獨與抗禮後
 陞都御史巡撫陝西請發銀蠲糧以救凶
 荒北虜侵固原調度截殺甚眾壘書褒異

陞刑部右侍郎丁外艱
 服除改兵部卒賜祭葬

侯綸 太原人正德進士任戶部主事擢湖
 廣副使仲雪冤獄督大功費出有經

值歲饑上圖民獲賑以蘇歷戶部侍郎
 子汝諒舉進士官至都御史以廉能稱

王玫 忻州人家貧好學正德鄉試授許州
 訓導講學淑人士心感服擢福山今

清苦仁恕多異政民繪像立碑官至工部
 郎中以剛正忤權歸居鄉多厚德高誼

陳阜謨 代州人正德進士知三河無錫二縣
 俱有惠政召授諫垣歷工科都給事

疏劾席尚書再劾武定侯皆親幸貴臣
 也尋告歸不再出家徒四壁鄉評重之

張四維 陽曲人正德鄉試知荏平縣當衝疲
 民逃亡過半迺招撫流移均隣邑管

陶地糧著均田圖宿弊盡祛補彰德府同
 知裁抑強宗革除冗費百姓立碑思之

常泰

徐溝人十歲能文正德進士授行人

朱方

平定州人方正慷慨以進士入御史

人前導人莫知為直指也嘗至渥水會河
溢不可渡坐荆筐中懸絙而濟之攬轡澄
清風裁大著一時貪墨皆望風解綬累官
都御史巡撫順天以防秋失虜被逮死杖
下子繪嘉靖甲辰進士累官南京有父風

王繼臣

崑崙州人庠生講陽明甘泉之學議

謁廟諸生迎跪道左臣隱樹後穆窺見呼
責臣曰方今雲中作亂邊鄙多虞大人不
聞詢訪一言何區區與一生較勝負也穆
默然釋之後廖督學謁廟命講願子不貳
過章臣曰紫陽註四書亦有誤處今註過
於前者不復于後誠是矣及至註仁則

曰顏子不能不違於三月之後豈不自矛
盾耶廖甚奇之工於詩家貧雖日不再食

與人講論施施如也卒於旅舍子
不能舉喪友人慕其義為葬之

閻大綸

榆次人嘉靖間以貢授安吉訓導講

士如安吉時後以仲子樸貴封翰林檢討
從仕郎曾因父疾焚香默禱乞減壽以延
父年疾隨以愈兄性剛嚴獨委曲
承順怡怡如也鄉許稱孝弟云

周鈇

榆次人嘉靖進士選授監察御史杜

邊務允協時宜濬通惠渠民賴焉後改宮
寮以陳邊事遠謫復起國子監丞遷吏部
主事公黜陟絕請託以抗疏出判河間竟
落職穆廟改元詔復原官贈光祿寺少卿

阿其麟

代州人嘉靖進士授寧晉令甫三年
即罷歸或謂其使性負潔不能下物

也歸而閉戶擁固史不廢咄嗟絕跡城市
巡撫楊公魏聞其賢訪之於廬再往方得
見所居蓬華無異編氓人多不知為鄉
先生所著詩文備紀時事可備野

李應時

陽曲人嘉靖鄉試官至南戶部員外
郎持身長厚有古人風歸田日籍中
僅賢書十餘冊敝衣數件耳居頽垣破屋
田產僅能供饋粥諸臺省問遺必公諸族
人孫成名登進士
選吏科給事中

王夢弼

代州人嘉靖進士歷刑科都給事時
楚世子獄具詔無覆奏即行刑弼欲
奏同列懼弼曰楚獄誠無寃但覆奏制也
竟三覆奏尋晉都御史巡撫寧夏屢有戰
捷報弼曰擣巢功不與臨陣功同有近例
但奏遵例擣巢而已謝
事歸卒 御賜祭

喬光大

襄人嘉靖進士令內黃教養兼
示擢諫垣首陳四事皆時政切務

唐寬

定人嘉靖進士授永平司理擢刑
部主事恤刑關中多所平反歷官至
應天刑尹弱冠常夢遊金陵比至應天因
憶曩時夢中事宛如所見遂抗疏乞歸

楊思忠

平定人嘉靖進士令清苑治卓異徵
拜禮科歷都給事時議孝烈皇后祔
廟廷臣禁不敢發忠獨抗疏為言祖制皇
后不先祔廟疏上留中不下久之元旦日
蝕不見百官上表稱賀忠疏有玄禧
申錫之語上怒以為譏誹廷杖削籍

李敏

榆次人嘉靖進士授庶吉士改刑科
給事中庚戌虜變保定楊中丞以援
遲被逮敏力救之觸上怒廷杖被謫後
陞禮科給事中不從醮事又被杖累遷順
天府尹自陳歸里徜徉
原澗別墅十餘年卒

閻樸

榆次人嘉靖進士選庶吉士授檢討充經筵講官尋進右春坊力止復河

奪之議舉朝壯之主試京闈所拔多名士歷晉南國子祭酒以赴任違限罰生蓋陰

有卸之者居家以詩文自娛所著有請文若干卷通鑑逸旨若干卷

褚夫

榆次人嘉靖進士授河間知縣多惠政擢御史巡陝西王爭牧馬草場遺

賂鈇力却之王河南鄉試拔中丞吳定等稱得人尋提南直學校陞都御史巡撫河

南風裁肅然因荒疏奏蠲租存活者數十萬累遷戶部尚書總督倉場漕運以督餉

有功加太子太保屢疏乞歸居鄉敦厚儉約卒賜諭葬祭贈少保

唐願

希介之孫嘉靖進士官至臨洮郡守持已清謹居家儉約歷二十石而家

居藹然不十謁不言時政得失循循退讓優游林麓四十年卒

李希洛

陽曲人牛而奇穎文多心得嘉靖進士授昌黎令時關中地震民多被傷

遂移渭南至則掩骼肉恤離亡民建祠祀擢戶科給事彈總督胡宗憲貪肆忤權

相嵩歸里事通判希濂愛敬純篤士民婚喪不能舉者傾資賙貸晉陽若旱捐廩

煮粥濟活甚眾所著有益言錄政學訓言錄明儒要言性理守約集夢心記

王道行

陽曲人弱冠登嘉靖進士初知鄧州歷官河南右布政所至實政昭然毫

無濡染歸家三十餘年惟杜門著書至陳民間利病如議開三門復書院革說帖之

誣雪青矜之冤一切諸行庫役斗級里長之苦當道重之所著有桂子園集

趙思誠

樂平人嘉靖進士歷兵科給事中時僧道夤緣中官得出入禁地誠上書

切諫衆懼巨剡蒙上優容止以字多洗改薄尉之彈劾不避權貴忌者中傷外補河

南僉事釐奸戢弊陞太僕卿以忤江陵相復調湖廣謝政歸好行其德士民仰之

潘高 寧化人博學雄才弱冠登嘉靖進士外轉陝西參議

竟罷歸凡持節泣晉者交章以薦竟不果用

王治 忻州人嘉靖進士筮仕行人不阿權

祀陳虜市刊害惟太僕卿以憂歸竟不起

趙體 太谷人嘉靖進士初授行人兩使親

歷員郎中擢鳳陽知府持操水藥敷政惠

傅需 忻州人嘉靖進士授

頭苦三吳通行小賴廉靜精明士民歌頌

召授御史巡蜀巨帥以重金賞叱絕

萬自約 太原衛人唐縣令招流移墾荒間歸

代養種馬以酒良第一擢刑科給事劾罷

大司農改戶科復劾罷兩都御史一尚書

及翰林學士尚事忌之外補陝西僉事歷

南北卿遷京北揮庫藏羨餘裁不時之索

忤權貴中傷遂歸澹泊自甘惟

事詩文歲五十卒士論重惜之

○孝行

甚哉孝德之難卽新城自迫君子猶以爲過焉後世有追華咳之篇而嘆息者乃今割股廬墓之行白兔烏鴉之感何疊出也槩棄恐掩孺慕之真盡收或長矯誣之習行徵旣雷旁稽厥素以問邦之番士

漢

范隆 代州人 生時父適亡 又四歲母亡 悲哭哀慘 感動行道 後長為大鴻臚

晉

劉殷 忻州人 七歲喪父 哀毀過禮 服喪三年 未嘗見齒 曾祖母王氏 盛冬思食

董澂 方九歲 往澤中 慟哭叩天 董忽生 得斛餘而歸 後歷官太傅 子七人 俱貴顯

解叔謙 代州人 母疾危 謙旦夕焚禱 夜聞空

都山見老翁代木謙問何木翁曰丁公藤謙拜求木而歸漬酒飲母疾果愈

南北朝

長孫慮 代州人 母因飲酒其父呵叱之誤以杖擊死 因擬重刑 慮列辭尚書云父

擊母死出於謬誤今母喪未殯父命旦夕慮兄弟五人並幼冲父若就刑交墜溝壑乞以身代庶眾孤可冀存立尚書

以聞詔特恕其父死以從遠流

王德 代武川人 父喪貧無以葬 乃賣男為奴 并一女 以營葬事 歷位車騎大將

軍從周文征討 累有戰功 加侍中 歷河涇二州刺史 爵河澗郡公

孫淡 太原人 居長沙 事母孝 母疾不眠 食以瘳為期 母哀之不使知也 祿章王

領湘州郡 驃騎行參軍 建元三年 蠲租稅 表其門閭

隋

韓子誕 文水人 親沒負土築墳 居喪盡禮 朝廷旌嘉 及卒視其春骨皆毀 大業

未表其門閭 唐貞觀中 蠲其賦役

唐

張道源

祁縣人年十四居父喪盡孝縣令郭

察御史歸後仕唐歷
秋官尚書封南陽侯

路敬淳

并州人少好學居喪依廬三
年出充明姓絲以譜學名家

宋

劉孝忠

太原人母病經三年忠割股肉食之
母病心痛劇又燃火掌中代母受痛

尋愈及母卒為傭富家得錢以葬後養父
兩日失明忠啖之復能視太祖親征太原

召見
慰諭

金

楊正德

忻州人與弟唐而德俱郎中滋善之子
父沒兄弟哀毀及葬同廬墓側朝夕

哭踊者三年金末兵亂一
家俱免害人以為孝感

李志學

孟縣人天性好學遂成大儒登淳熙
進士授校書郎母憂廬墓三年日夜

號泣不已子長福次壽同登
進士第人以為孝德感云

趙瑛

孟縣人父卒哀毀過禮人稱其孝子
世林為執政者知舉為百夫長孫大

為為祁邑鄉百
戶亦孝感云

元

胡彪

樂平人有孝行父母相繼卒廬墓側
三年哀毀骨立家人省之輒避去有

司奏聞旌表遂不復仕曰吾親逝矣仕
將何為教授鄉里人稱為松風先生

王構

平定人字嗣能無咎子少遊李治楊路教授歷翰林編脩吏部主事改寧晉令縣時有胙篋之盜聞構至即以賍還主而去曰恐辱賢宰也遷監察御史改國子監丞進司業與祭酒許衡同定監規項之同知衢州路總管構性至孝居喪廬墓六年兩致白兔繞墳之異有詔表為孝子門

王居敬

崞縣人與弟智信俱以孝稱父德順沒三子廬墓側三年人稱一門三孝

王文翰

孟縣人性至孝家貧備書養親年五十母目雙瞽翰每夜默禱於天母目復明人以為孝感二子曰仁曰義俱登進士第皆以文學孝弟聞稱世德云

皇甫世忠

崞縣人性純孝母卒廬墓盡哀自血裂州上其事未表而卒士民悼之

王克己

壽陽人幼端謹慨然慕古性純孝喪廬墓元末兵亂人皆驚走克己獨號泣不去兵至感其孝不忍加害我龍興以文學孝行辟除戶部主事尋陞吏部尚書一時甄拔咸稱得人尤以清介著稱後乞歸田家無餘蓄人以為有素絲風

國朝

白祥

文水人父永樂間任長山知縣時有犯者連坐當刑祥願代之臨刑神色不變上嘉其孝父子俱免大宥天下其御恩者繪像祀之

蔡苓

平定人孝父卒耐葬母塋開墻見棺號慟欲絕遂廬墓側塋舊多豺

狼自是絕跡人以為孝感

王英

太原左衛人少孤育于祖母性至孝祖母病割股以進病尋愈鄉人以為

孝感成化鄉試授知縣有惠政

吳宗

壽陽人性至孝父母有疾躬侍湯藥

禮值歲旱墳週十餘里雨最沾渥成

和承芳

平定人有孝行舉弘治鄉試歷令唐

徒行千里哀毀居喪環堵蕭然制終不起世稱為真孝廉

孫紹先

代州人少篤孝友弘治鄉試第一舉

墓三年後授檢討歸省卒人為痛悼詩文古雅為時所推

趙復性

榆次人弱冠以孝聞父卒號泣不食

數隕絕及葬廬墓草衣糲食終喪不忍離族人毀其廬載歸後旌表

段廷用

壽陽人性純孝母辛號泣骨立廬墓

三年時荒饑盜賊充斥有過其墓者憐之不忍驚所居瓜雙蒂麥兩岐人咸異之以為孝感

張定

代州人正德鄉試仕鄧州歷郎署太

府終貴州叅政所至有惠政知馬湖

時剖奢楊兩宣慰不決之獄行時有土官以金銀器覆米麵餽者悉却之事母及大

金天夫

榆次人鼎之子性純孝弱冠時父惟

危疾刲股和湯以進疾遂瘳正德鄉

試筮仕戶部司務歷工部郎中值大工屢興財不告匱詔褒其能尋出為鞏昌守多

王汝敬

代州人舉正德進士授行人博通五

經賦性烈直不容於時棄官歸養父

母卒廬墓六年艱苦號泣值大雨雪凍死墓所鄉人哀之

郭安

興縣人任陝西衛經歷丁父母憂俱廬墓三年白鶴數繞其墓奏聞旌表

白孝古

興縣人庠生性至孝父母母卒各廬墓三年奏聞旌表

張定舉

代州人正德間鄉試事母及大母最孝妻死不再娶別室無媵妾歷官大

參清操有聲鄧州馬湖淮安兩淮俱祀名宦後以採木勞於王事卒

王貫

崞縣人幼喪父事母張氏至孝母終悲號幾死葬廬墓側三年有白兔烏

鴉行集人謂孝感

孫昂

交城人性純孝父沒廬墓三年有事之蒲過黃河一老人曰待別船與汝

同渡昂遂其眾渡者竟覆昂德免人以爲孝感

常

福

交城人庠生父卒朝夕樞前不入私室非泣骨立人服其孝事聞旌表

楊珍

靜樂人人事母至孝母疾躬侍湯藥十餘年無怠母卒哀毀骨立治喪盡禮

吳忠

靜樂人孝事繼母時北虜入寇家人驚走母者疾不能行忠負之去衆多

被害忠母子俱免人以爲孝行所感

任邦經

河曲生嘉靖年虜夜至村外二里許有崖窞險可避兵母老不能行經令

三子轉走險自扶母同妻藏於窞中竟被獲伴許虜曰願從營惟所命獨母年老不能從乞勿驚辭甚哀切虜亦動心遂免其

母隨營次日以死拒之遂遇害有司扁旌

吳一變

定襄生少喪母事父孝父卒水漿不入口者三月哭絕數次既殯穴居墓

側三年一二日一食負土築臺哀苦骨立遠近賢之按院扁旌

胡玉琴

興縣人父博先娶關氏生兄尚默繼娶甄氏生琴後甄疾默同琴親侍飲食及卒兄弟俱廬墓父卒琴復廬墓哭思成疾卒妻劉氏年少誓死撫孤稱節孝

張綬

保德人歲薦母卒廬墓三年進監建言奏准河保糧草永不起運祀鄉賢

程宗齊

陽曲人性孝友親疾求以身代及卒悲悼廢食愛弟同居尚義施塚

劉秉寬

清源人事母稱孝因偶睡聽母呼驚出門屋梁折得免人謂孝感

閻邦偉

壽陽生事繼母孝虜至負母入室虜退移母出窰即傾人謂孝感

孟養氣

文水人事繼母孝母雖甚迫處之怡怡友愛諸弟庭無間言人稱真孝子

程書

陽曲生父病供藥衣不解帶及卒哀毀骨立事母更孝鄉評重之舉表

趙恒

樂平人性至孝母卒鑿穴墓側朝夕哭奠妻孥罕見緇紳為作孝行感詩

劉漸

清源生少孤事母竭力母疾哀禱仙方服之即愈人謂孝感按臺旌之

王朝冕

興縣生母疾禱神代死及卒隨柩廬墓三年朝夕哭奠有司賜米帛扁旌

梁民

樂平生性至孝父喪哀毀母疾親侍母卒躄踴三年不入妻室有司扁旌

慎鍛

晉靖安王長子幼好詩書敦孝道奉兩尊承顏順志性若天成值母妃盧

氏疾危鍛呼天割股以進後又因盧病晨夜侍疾求以身代及母愈因過勞感疾卒

張紹光

定襄人母趙氏被虜執去光十歲晁二歲晝夜哀思及長每

遇款貢潛探消息至萬曆年互市因罄產贖回竭力奉養旌表

段廷宴

太原人歲貢任撫寧縣事父沒竭力居喪閉戶三年人莫覩面有司旌表

張三光

繁峙生與妻宮氏協力侍親家雖貧甘旨必豐父母俱八十終旌獎

韓朝花 太谷人自幼家貧擔負為生因父母衰老竭力備飲食出入必跪拜其妻

少有觸犯痛如箠責始終不二以孝行聞

張浚明 交城生事繼母孝撫從弟昭明等篤及寡嫂孤侄咸得所依學道旌表

○孝女

金

聶舜英 五臺人尚書聶天驥女為張伯豪妻豪死英依父母居崔立及父被鎗傷

英日夜涕泣迎醫療之至割其股以進竟不救英盡力襄葬之明日乃絕頸而死

元 珍 好問第三女母張氏卒珍哀毀過禮尋亦卒文士誄其孝

元

武管嬰 太原人年十七未嫁至正間避兵山洞其父被執嬰奔父所曰勿殺我父

請以身代眾釋其父逃去嬰言我有金帛瘞井邊眾方掘取嬰乃投井後名義井

白 氏 太原人夫棄家為僧白年二十留養姑勤績緝以供租賦夫一日還迫使

他適白斷誓不從夫不能奪乃去姑年九十卒竭力營葬肖像祀之終身

韓孝女 太原人母死哭泣不食父目昏醫謂舌餽退障女依餽之目復明

國朝

武 氏 榆次人嫁甫七月姑病篤思肉食貧不能辦氏割股烹食病尋愈後旌表

牛 氏 太谷人父病篤醫不能治氏割左臂肉以進父病愈

李欽妻趙氏 崞縣人姑失明氏祝天以舌砥之目復明

○節義

昔人易慷慨而難從容夫白刃臨于頸甘綺誘于前人鬼之關豈易決哉獨是

一死烈于秋霜芳名自不朽耳予感孫程下宮之難皆委曲捐軀狗趙氏之一脉嗟呼要離焚妻子荆鄉湛七族寧過是乎至今貞軌亮跡不共煙銷塵埋而藏山草木尚色飛矣自后先德玉摧來哲懷袂寧潤草塗原而不園員以晦其生豈非天懷中發而各教動物者哉近世省兵突變高畢二將受其禍而畢以後時表揚高竟沉沒其忠竟當自飛霜裂石矣抱義之士寧不追嘆龍蛇之章

周

公孫杵臼

忻州人爲趙朔客屠岸賈誅朔曰謂朔友程嬰曰胡不死嬰曰朔婦

有遺腹若男吾奉之故不死及生果男賈聞而索之曰與嬰謀曰立孤與死孰難

曰立孤難曰曰我爲其易者乃取他兒

匿山中使嬰謬告屠岸賈曰與我千金告趙氏

孤處賈諸將隨嬰攻曰曰謬曰小人哉程

嬰縱不能立孤忍賣之乎賈遂殺曰及孤

其趙氏真孤

乃在嬰處也

程嬰

忻州人既謬告屠岸賈殺杵臼及厲孤乃抱真孤匿山中居十五年韓厥

言於晉景公復立趙後是爲趙武即孤兒

也遂攻賈滅之武既冠嬰曰昔下宮之難

我非不能死欲存趙後耳今宜下報宣慰

粹曰遂自殺武涕泣齊衰三年奉祀不缺

介之推

晉陽人從文公出亡及還隱於平定綿山公後求之自焚山而死詳見廟碑

靈轍

孟縣人趙宣子遊首山舍于桑翳見轍餓食之轍舍其半問之曰宦學四方

不知母之存亡請以遺母因與簞食肩肉

已而爲晉宰夫宣子弗知也靈公伏兵攻

宣子轍倒戈戟以禦公徒問其故曰桑下饑人也問其名不告而退遂自亡

韓厥忻州人景公時為司馬言於公成季復立趙武而及其田趙氏之再興于晉者厥之力也卒謚獻

漢

閔貢

孟縣人家居安邑家貧口買猪肝一片邑令聞之勅吏常給貢聞笑曰豈可以口腹累邑令耶遂去建武中以博士徵不至時人甚高其行與周黨並以節介稱

馮魴

太谷人王莽末虞都尉反殺中屠季尉弟長卿欲執季魴叱曰我與季雖無素故士窮相歸要當以死任之遂與俱歸季謝曰蒙恩得全死無報牛馬財物願悉獻之魴作色曰吾老親弱弟陷賊中尚無所顧何云財物季慚不復言光武聞而嘉之徵拜虞令歷官司空賜爵關內侯

王霸

廣武人王莽篡漢時棄冠帶絕交宦光武初徵拜尚書稱名不稱臣有司詰之霸曰天子有所不臣諸侯有所不友尋移疾歸茅屋蓬戶率妻子躬耕屢徵不起

溫序

祁縣人建武中為侍御史遷護羌校尉行部至襄武為隗囂別將荀宇所拘劫使從已序曰分當效死義不貪生遂以口啣鬚伏劍而死光武賜葬地于洛陽城其子夢序言曰久客思故鄉乃遷葬城西北

周黨

廣武人家產累數千金散與宗族游學長安建武初三聘乃就車着短布單衣

殷謀

代州人同廣武周黨譚賢俱守節不仕王莽光武初年徵金不至

郝潔

太原人與同郡胡武俱危言論與汝南袁著友善當梁冀專政時潔等連名奏記薦海內高士及著詣闕上書言及梁氏冀等殺著又疑潔等為著黨勅中都官移檄捕前奏記者並殺之遂誅武家死者六十餘人潔初逃亡知不得免因與櫬奏書冀門書人仰藥而死家乃得全

三國

韓珩

代州人清粹雅量少喪父母奉養兄姊族以孝弟稱曹操保高其節屢辟不至

晉

周續之

廬山門人年十二徙豫章詣太守范甯受學居數歲通五經五緯號曰十經為同門諸生之冠既而入廬山與劉遺民陶淵明俱不應辟人仰稱潯陽三隱

唐

王行敏

樂平人隋末為寇魁神堯起義率眾來降拜潞州刺史遷屯衛將軍武德初督兵徇燕趙戰破劉黑闥後以釋甲未備被闥縛終不屈遂遇害且死西向跪曰臣之忠惟陛下知

李愷

希靖子聰敏異常蚤承家學舉明經高第天寶初守清河有美政民為立祠後尹京兆轉東都留守安祿山陷東京愷謂御史中丞盧奕曰吾等荷國重任雖力不敵必死之奕許諾愷收殘兵數百欲戰皆潰愷坐府中奕坐臺中及採訪判官蔣清并愷子十人皆執殺之賊平追贈死節士以愷為第一贈司徒諡忠懿

五代

張憲

晉陽人沉靜寡欲少好學能文唐莊宗以為天雄軍節度使後為太原尹北京

留守時趙在禮作亂憲家在魏州禮善侍之以書招憲憲斬其使及莊宗遇殺明宗

入京太原猶未知適永王存霸奔太原左右曰今魏兵南嚮主上存亡未知存霸來

無詔書而所乘斷鞅豈非戰敗乎宜拘之憲曰吾本書生募生上遇甚厚豈宜懷二

心第可與俱死耳因涕泣以拒勸進者及存霸為符彥超兵所殺憲死之

韓通

太原人謹厚有勇力周世宗時官侍衛親軍副都指陣使宋太祖比征至陳

橋為諸軍擁戴通聞變惶遽歸謀率兵禦之為軍校王彥昇所害妻子皆死太祖嘉

其節贈中軍令以禮收葬之

李筠

太原人善騎射仕周屢立戰功為昭義使恭帝初加檢校太尉宋太祖

使諭以受禪筠延使者飲遽索周世祖畫像縣壁涕泣不已後為宋兵所攻自焚死

李重進

太原人周世祖甥生於太原累官歸德節度使宋太祖受禪加中書令後

進治城繕兵以拒命宋兵攻之城陷舉族自焚死

宋

武英

太原人父密隨劉繼元歸宋仕至鎮定同巡檢與契丹戰歿錄英為忻代同巡

檢累遷涇原行營都監夏人入寇任福與諸將戰小勝敵為遁英以為前必有伏福

等不聽敗死英猶力戰矢盡遇害

王貴

太原人累官都指揮使太宗時從潘美北征屢立戰功及從楊業為遼兵所圍

親射數十人矢盡張空拳又擊殺數人遂遇害時年七十有三

吳升 本開封人因竄孟遂占籍為世家被金執于五國城以為莫儔力辭不拜被殺

楊宗閔 崞縣人建炎中為永興軍總管靖康之禍金人圍永興閔與經略使唐重

提調程迪提刑郭忠孝等八人誓以死守值副使傅亮奪門出降閔等不屈遂死

楊震 宗閔子弓馬絕倫從討方臘有功還遷知麟州建寧寨靖康初夏人圍建寧震

出戰矢盡力乏與子居中執中死之惟長子沂中從征河北獲免事聞賜諡恭毅

金

喬天翼 人金末為合河令元兵陷其城不屈而死

趙益 太原人為壽陽令元兵臨境益合土豪保險累戰有功遷同知太原府事兼招撫使元兵攻城急益乃沉符印于井先殺妻子後自殺事聞贈河東北路宣撫使

耿升 平定州人天性好義與妻避兵被執不屈禍及鄉眾遂皆死之州帥聶珪旌其節具禮葬焉子守直登進士金亡隱居三教里終身不出

禹顯 代州人真佑初隸上黨累立戰功授義勝節度使兼沁州招撫副使元光初元

攻河東顯扼龍猪谷破其軍擒元帥韓國光追至祁縣而還守襄垣以三千人當元

兵數萬攻之不能拔大戰于玉女塞又捷後軍內變城破被執死之

完顏九住 繁峙人武州刺史元兵取其子姪抵城下曰苟不速降俱殺之住曰

以死報國遑恤家屬城破戰而死

劉海 興縣人金進士第一仕至河南府尹死于國難

元

劉貞

五臺人世居洪標村劉陽勝劉行俱元統年進士適丁世亂遂隱不仕劉繼祖

至元年鄉舉貞亦中鄉舉篤信好學有聲州里天興間元師南進金民潰亂逃竄惟

貞并父義固守田園迺謂鄉人曰為臣死忠為子死孝汝等缺食吾盡給之慎勿輕

動甲稱
為惠人

國朝

石撰

一名傳平定人洪武中以人才舉為寧府左長史靖難師起郡縣皆下撰在大

寧獨為守備城陷不屈支解而死按革除遺事稱撰義篤綱常忠犯刀鋸精誠與日

月爭光志操共金石
同礪時人以為實錄

賈琮

壽陽人幼篤學博洽羣書文藝冠諸士永樂鄉試授後軍都督府經歷克供

職後從英宗北狩死于陣加贈奉直大夫
協正庶尹

郭浩

孟縣人由貢士授工部主事正統間從駕征虜王師敗績被執不屈而死

韓能

孟縣人正統間隨駕駐蹕土木王師敗績能手執金瓜殺賊甚眾力竭而死

孫璽

代州人慷慨負大節弘治間令扶風時檄董略陽城城未完寇猝至璽力竭死御

史王廷相上其事贈光祿少卿廕子入監

王源

五臺人弘治進士任刑部主事陞員外郎轉四川僉事正德間流賊倡獮源抗

節拒守身被十餘鎗而死事聞贈按察使廕子臣振武衛百戶

韓唐

太谷人由監生授萊蕪縣主簿正德間流賊楊虎等引眾攻城唐躬率男拒戰

斬賊首數十級力盡被害事聞贈萊蕪知縣廕其子思入監

王鼎 岢嵐人正德年知永城縣會流賊作亂攻城被害贈光祿寺丞廕子入監

安瑄 五臺人正德年任夏邑丞力拒流賊城陷而死贈開封通判廕子入監

王佑 祁縣人正德中由歲貢知唐昌縣俄有苗寇突抵縣時無城塹佑刊木為柵與民共守及賊破柵入挺身巷戰力竭被執遂遇害

喬份 定襄人為百夫長正德年賊聚東山有司命份率眾討之直抵賊所援絕被害

陳經 太原左衛指揮少有大節善騎射事繼母孝正德年任寧武守備虜大舉犯關經出奮勇戰死撫按交奏勅賜昭勇將軍立祠春秋祭之

董綸 太谷人嘉靖年以監生授歸德府檢校偶值逆賊師尚詔等倡亂蹂躪府境戮民劫庫典衛者悉竄伏綸執斲率姪魁併僕與賊力戰妻晉氏亦執桴鼓以從勢孤

被執賊曰何不降綸怒罵不絕口遂與妻併姪僕四人俱死贈歸德府同知立雙節祠祀之廕子良臣入監

董賜 繁峙人幼膂力過人累擒虜賊奮不顧身解太原圍平宣府清風之亂以功陞遊擊將軍嘉靖間虜入犯馬市口賜血戰死之贈鎮國將軍建褒忠祠春秋祭之子一奎一元皆歷陞總兵都督金推良將

徐堯臣 保德人嘉靖年以百戶領軍于唐家會打冰虜眾踏冰入犯臣拒堵力戰

面中五矢刀傷七處遂歿于陣事聞卹錄加陞副千戶

李聯芳 岢嵐人幼失怙恃賴庶母郭氏育之襲伯父職指揮常以忠義自許歷官

大同得勝堡叅將初開馬市名重于虜陞西泲州副總兵歿于虜

大同得勝堡叅將初開馬市名重于虜陞西泲州副總兵歿于虜

大同得勝堡叅將初開馬市名重于虜陞西泲州副總兵歿于虜

大同得勝堡叅將初開馬市名重于虜陞西泲州副總兵歿于虜

大同得勝堡叅將初開馬市名重于虜陞西泲州副總兵歿于虜

大同得勝堡叅將初開馬市名重于虜陞西泲州副總兵歿于虜

大同得勝堡叅將初開馬市名重于虜陞西泲州副總兵歿于虜

大同得勝堡叅將初開馬市名重于虜陞西泲州副總兵歿于虜

丘陞

尚嵐人衛指揮嘉靖間陞北路口遊擊倭寇犯江右簡陞往征率軍水陸並進

屢戰屢勝獲賊千餘騎陞揚州叅將遺孽僅數十人匿林中陞凱旋偶為流矢所斃

立廟如臯縣春秋祭之廕子世為衛指揮陞父麒正德間與虜戰歿蓋稱世忠云

畢文

遊擊將軍太原衛指揮以事下獄嘉靖年巡撫葛議減標兵糧眾軍鼓譟剽掠

城市焚劫公府欲推文為雄長撞園門露刃邏拜曰某等計出無聊願戴將軍文怒

罵不從且諭以大義賊遂逼以刃遇害少司馬兩溪萬公撫晉知其事檄下有司建

忠義祠于北門甕城外後勅建忠節坊

○義俠

晉陽富室非有傾邑連騎鼎食擊鍾之饒也又非有子羅公都背公死黨之行也而歲饑

捐粟多至千石次亦數百石義槩可風矣予觀赤帝側微貴家折契猶疑物色之而慷慨

此輩獨安所說哉彼有顯要富厚而半菽一毛之是惜不及貴家遠矣

春秋

蓋聶

榆次人荆軻嘗遊過榆次與聶論劍聶怒而目之軻出人或言復召荆鄉聶曰

曩者吾與論劍有不稱者吾目之是宜去不敢留使使視之果已駕而去矣

漢

郇越

太原人少明經飭行平帝時州郡舉孝廉茂才後以數病去官嘗散其先人貲

十餘萬施九族州里

晉

隋

田蘭 并州人晉有汲桑者力能扛鼎殘心少恩六月盛暑重裘使十數人扇之忽不
 清涼便斬扇者大姓田蘭斬于平原士女
 慶賀奔走道路而歌曰士為將軍何可羞
 六月重裊被狐裘不識寒暑斷人頭雄兒
 田蘭為報讎中夜斬首謝并州

王頌

祁縣人性至孝有文武才恨父僧辨為
 陳所殺隋興因獻取陳之策及陳滅夜

發霸先陵取骨焚灰投水以飲後自縛歸
 罪帝命錄其戰功加爵賞乃拜代州刺史

郭世儁

文水人七世同居至豚犬同乳鳥鵲
 同巢人以為義感之應文帝時遣昌

平公宇文弼獎
 勞旌門賜表

宋

趙寧

保德人十世同居家至數百餘口治平
 間知州折繼祖奏賜米五十石絹五十

疋特勅旌表號其都
 為義門至今仍之

金

樊寶

忻州人天會間捐
 粟濟饑存活甚眾

劉義

孟縣人五世同居二百餘口庭無間言
 家無私畜大定中封進義校尉子貞孫

曰輔曰允皆登進士曰玉資性明敏勇敢
 有為官至眉州都鎮撫曰珠授本州訓導

游完

崞縣人大定初歲荒完日賑贍三百餘
 口冬給貧人衣五百套春秋以家財募

人平治道塗二百五十里
 北至太和嶺南至石嶺關

元

李朝英

孟縣人至元間進士授汾州判五世同居百口無間言太平中旌表

胡永

孟縣人以子輔貴封忻州知州值金末食有死喪不能舉葬者必濟埋之子輔為奉政大夫孫游宦者甚眾

韓嗣

孟縣人家世富足至元間兩值饑出粟賑貧活萬餘人鄉人德之

溫義

祁縣人五世同居長幼無私財家庭無間言至元丙子旌其門曰義門

李瓚

祁縣人孝母宜家百口同爨曾獲盜相識遺布疋送出門家人扣姓名亦不告

國朝

李源

孟縣人朝英曾孫洪武初隣有失馬者誤認源馬源與之無怒色後隣得馬將馬還之源亦無喜色子公勤獲盜麥者詰之為親囑父與其麥盜不受人稱世德云

酈君積

定襄人洪武初值元季妖兵蜂起之後死屍枕路積與妻寇氏歷郊抵野在屍負骨捐衾棺壙而封之歲時致祭副使劉剛毅作傳嘉之

高智甫

繁峙人洪武年大饑夜有賊穴牆竊粟甫覺獲盜問其所以乃妻子饑寒所迫遂惻然憐恤與粟一袋孫文欽皆中鄉試人以為陰德之報

朱景祥

崞嵐人正統間歲饑輸粟一千五百石賑濟貧民勅建坊旌表

梁弘

崞縣人正統年大荒輸粟一千二百石賑濟 詔旌立坊

王璽

五臺人與韓勝傑張懋正統間歲饑各輸米八百石賑濟奉例賜冠帶免徭役

陳翺

五臺人成化年歲饑輸粟三千斛助賑復煮粥濟民 詔賜冠帶免徭役

張恪

樂平人正統年歲饑出粟一千五百石助賑奉 勅旌獎

張嵩 平定人與同郡齊海楊朝臣於正統成
化年各輸粟千餘石救荒奉 勅建坊

杜弘付 太谷人正統間歲荒輸粟黍一千五
百石賑濟 兩院奏旌

王昶 祁縣人與同邑郝希敏正統間各輸粟
千石賑濟奉 勅建坊

郭布 壽陽人中永樂鄉薦不仕樂耕正統庚
申輸粟三千石賑荒 勅賜旌表

岳曇 壽陽人與同邑霍九德鄭士廉正統庚
申各輸二千石賑荒 勅旌表給冠帶

楊璟 平定人正統間輸粟千石賑荒璽書褒
美後以子清貴封文林郎

徐煥 平定人正統間出粟一千石賑荒奉
勅旌表

李斌 崞縣人天順年與同縣石公廉李志厚
郝士榮武士榮建石橋脩蒙恬祠又各

輸粟四百石賑荒
俱授七品散官

白傑 平定人性淳朴弟侃為陝西副使卒遺
一子素病癩傑育過已子後以子思明

貴封文選司員外郎弟儀好義務施敦睦
宗族貧乏不能婚葬者必助之商人失金

為僕所獲命還之子思聰成化間出粟數
千石賑貧饑全活甚眾弘治間儀與子思

聰俱授承德郎七品散官郡人稱曰一門
尚義

王斌 平定人成化年大饑流莩相枕斌設粥
施藥始終不渝

張昇 忻州人成化間與同州宿昶各輸粟數
百石賑饑曾經旌獎

郭瑜 孟縣人成化間歲荒與弟珍各捐粟五
百石賑濟俱經旌表

王經 忻州人成化間輸粟賑饑讓腴產與弟
綸拾遺金歸主人咸敬之授義官

高鼎 孟縣人成化間歲荒鄉人多逃止留三
千家鼎每日計口給糧全活者多

孫鳳

代州人淳厚有古人風察地知泉令人疏渠溉田千頃家獲竊盜遣之絕口不傳姓名擇婿貧生陳臯謨後舉進士鳳子岐亦舉於鄉

石盤

崞縣人輕利好施弘治年大荒出銀百兩補貧乏逋賦者士民咸服其義

閻表

交城人與同縣陳立王文正德年各輸米二千石賑荒建坊旌表

武謙

忻州人素貧力作至饒裕誓貸貲不問利負者不責償歲荒輸粟曾經旌獎

周仲德

忻州人正德間輸粟義官性孝友貸不能償焚其券賑貧周急鄉人賴之

韓鐸

繁峙人叔父士奇官憲副家居被賊劫執鐸仗挺奮身逐賊被數創不退賊去叔父獲免太原

王文端公立傳

閻俊

崞縣人正德間自陽武峪抵寧武關沿山鑿石架木為橋道路之崎嶇者以平

張宗政

孟縣人與弟宗顏輸粟賑荒民賴以安

馬瑞

陽曲人富而好施間有婚喪輒為周助嘉靖間虜至城下捐金百兩給守城夫脩書院捐金三百兩鄉人義之直指王公賜扁曰義耆之家孫諫登萬曆甲辰進士

呂志貴

孟縣人嘉靖間出粟千石賑饑立石旌表

陳邦鎮

太原生中年妻亡不再娶與幼孫共寢表給冠帶年七十無疾終

高玠

孟縣人嘉靖年輸銀五百兩穀七百石賑饑詔旌其家

施鼎

孟縣人嘉靖年與同縣楊威各輸粟千石賑饑立石旌表

邢銓

忻州人好施與每冬構橋南河濟涉嘉靖末虜入寇被擄人口逃回過州餒不能行銓以餼糧給之全活甚衆其子瓚亦繼父志樂施

李讓

陽曲人世積德幼失怙惟喜讀書繕橋
治道建臺堡扶弱濟貧初怡情絲竹聲
律訓子罷一切嗜好曰至樂無如讀書至
要無如教子子希賜以明經充
恩選任
兩巨邑丞有治聲後子孫數十人俱文武
才人稱德報壽八十六終

楊資

崞縣人拾金三百兩餘
還官有司奏
聞建坊

胡彥質

五臺人與同縣邊永瑞胡彥卿各輸
銀三百兩修明倫堂齋房給尚義坊

朱綸

平定人隆慶年脩城輸銀二百兩米豆
二百石給冠帶萬曆年歲荒輸米百斛

時輝

清源人與同邑蘇雲端牛昭年荒輸粟
各千石全活甚衆人皆德之

陳天和

保德人與弟天機同居五十載每有
勞苦和以身先有司旌表

張拳

孟縣人值荒歲嘆曰有財而坐視民死
守財虜耳遂出粟救之子玉孫顯亦樂

施濟膺 勅旌獎
白大叅為作傳

張存智

崞縣人會拾客潘鸞遺金還之脩沙
河橋捐穀百石萬曆年輸粟賑荒

董玉

清源人輸銀百兩買民間空地建社學
復輸田百畝延邑中俊秀肄業貧不能

紡織者給綿不
責償人高其義

和蘊敬

平定生萬曆年歲荒輸粟二百石又
施義塚二畝同庠生李采亦捐義塚

地二畝五分蒙
恩詔授儒官

劉子寶

五臺人遇遺金一橐守候越日俟遺
者還之其妻張氏值曠寇擄掠恐為

所辱率子婦及孫女投崖下皆得不死歸
見崖石上有女履跡人以爲神救

吳學禮

保德人萬曆年因設漏澤園禮輸坪
地三十畝奉崞嵐道旌表給冠帶

王堯欽陽曲人萬曆年汾水為患議建橋梁欽捐銀一千兩兩臺表給冠帶

○僑寓

南海明珠流光上國于闐美玉侈耀中原物不產于是而可寶者多也楚才晉用古語良然太原風俗凝厚山川瓌奇海內高賢往往過而留焉豈伊不虔思乎天衢懷歸于枌榆而甘為異域之羈哉意若有所之耳

周

卜商字子夏魏人曾遊文水縣孔子弟子居文學科孔子既沒退居西河教授為魏

文侯師後世追封河東公文水縣隱泉山麓有祠遂號其山曰商山又曰子夏山

龐涓魏人微時隱居榆次今縣北有洞存焉後仕魏為將軍與齊將孫臏戰敗自刎

漢

孟敏鉅鹿人客遊太原嘗荷甕墮地不顧而去郭林宗見而問之對曰甕已破矣顧

之何益林宗異之因勸令遊學十年知名二公俱辟金不出

周虓南安人為碎種太守拒符堅以忠於晉堅捷之徙於太原

魏

辛紹先狄道人徙家晉陽性至孝累遷下邳太守卒贈并州刺史晉陽侯諡曰惠

隋

盧大翼河間人本姓章仇氏七歲號神童博綜羣書皆得精微尤善占候筭曆之

術隱居林慮山中受業者自遠而至太子勇召至京師仁壽末高祖將遊仁壽宮翼

固諫不已上大怒繫之獄期還斬之上至宮果疾臨終令煬帝釋之大業九年駕至遼東翼曰陽有兵氣後數日煬玄感果反復隱于孟之白鹿山

唐

李思行 趙州人避讎寓太原仕唐為喜州刺史樂平郡公卒贈洪都督諡曰襄

李萼 清河人天寶年寓崞邑乞師於顏真卿不許復為書說卿以兵六千借之送至

境曰兵行矣敢問子所為萼曰聞朝廷遣程千里將兵十萬出崞口賊據險不獲前今引兵先擊魏郡分兵開崞口以出千里之師因討汲鄴至幽陵卿大奇之

宋

冉鐸 伯牛之後宋太祀克復河東時年谷不登鐸自乎山挈家來孟長池里居焉後

五代孫冉備冉新等會立石碑今長池里猶存

石普 幽州人徙太原通陰陽六甲星曆之術太宗討伐多賴之

畢士安 雲中人流寓代乾德中進士仕至同平章事協成澶淵之捷卒諡文簡

滕茂實 錢塘人靖康初以戶部侍郎使金為所留時實兄絢判代州以先降金粘

罕遷實代州聞欽宗至郊即冠幘迎謁拜伏泣請從舊主金人不許憂憤而卒

金

崔瑀 博陵人少舉進士官至明威將軍開國食邑百戶大定間寓居榆次

元

王遠 為參知政事至正間兵亂避於孟之五花寨處治有方一寨人賴之以安

國朝

宋登春

趙州人嘉靖間流寓平定人未之奇也一日醉題李氏書室壁云窈窕冠

山轉參差嘉水流中有結廬者乃是臥龍儔筆勢飛動有張旭懷素之態人始異之

張漢

承天人正德中進士歷巡撫侍郎以陳事素忤嚴嵩中傷戍鎮西衛每跨蹇荷

戟列伍兀坐一窯彈琴讀書日與生徒講學絕口不及獲罪之由居十八載卒

○貞烈

磨笄石于祀芳矣乃凜凜皜皜之槩異時迭出夫風飈音徽霜零質固近因流寇北虜之變罵賊捍刃者若隨踵然豈有感于代夫人之風乎不然萬里之長城不守于林之虎士棄戈何孱質之烈烈也重義者巾幗諸于之秀偷生者佩虎

周

代夫人

代州人趙襄子姊為代王夫人襄子殺代王并其地使使者迎之夫人曰

吾受先君之命嬪於代有年矣代王何大故王君殺之今代已亡吾將奚歸且吾聞之以弟慢夫非義也以夫怨弟非仁也吾不敢歸遂磨笄自殺

春秋

引工妻

晉繁人為弓三年乃成公引之而射不穿一札公怒將殺弓人其妻請見

曰妾夫造弓為之亦勞君不能射反以殺人妾聞射之道左手如拒石右手如附枝右手發之左手不知平公以其言而射穿七札乃賜金三鎰繁人得免

五代

漢

昭聖太后

姓李氏榆次人父業農漢祖劉知之勒后改適后汲水灌麻苦不易節遠既貴封為魏夫人生隱帝後即位封為皇后

王霸妻

代州廣武人霸有高節妻亦美志行為功曹常詣霸霸子耕歸見客色忸怩作客去霸臥不起妻問故霸曰客子容服甚光兒輩見之有慙色父子恩深不覺自失妻曰伯之貴孰與君之高君何慙於伯之子吾不為吾兒慙霸起笑曰有是哉遂共隱終身

唐

張睽妻趙氏

孟縣人會昌中睽戍邊十年氏繡迴文詩作龜形云睽離已足

後周

十年強對鏡那堪理舊柱聞駕幾迴脩尺素無霜先為製衣裳開箱疊練先垂淚拂

拭調玷更斷腸繡作龜形獻天子願教行客早回鄉詣闕獻之睽得歸

柴氏

相傳柴世宗女稟性貞烈不適人潛入孟縣北七里原仇山東涕泣良久渴思水扣地泉隨湧出飲畢自經於樹鄉人立廟祀之旱禱輒應至今稱為烈女山

宋

二程母侯氏

孟縣人封上谷郡君幼聰悟好讀史書父丹徒君愛之年十九歸河南程大中相敬如賓行必稟命中凡有怒多為寬解惟諸兒有過則不掩生二程纔數歲行踏戒以徐步常食絮羹亦必呵止雖僕輩不加惡言蒙養之端如此

楊業妻折氏

崑嵐人業初名劉斷事北漢為節度使娶折氏後歸宋賜姓楊

折性警敏嘗佐業屢立戰功虜人呼曰楊無敵後業戰死於陳家谷潘美玉侁畏罪欲掩其事折上書陳夫力戰獲死之由遂削潘美爵除侁名

王稟妻孟氏

崑嵐人稟太原人後為副總管靖康之難值金人攻死之孟曰

妻以夫為天夫死我何生為亦投水死

任玄妻劉氏

靜樂人年十八夫卒姑欲奪其志氏自刎幾死姑憐而止之居

十餘年弟利其產必欲再適氏度不能免乃自縊

元

李弘益妻申氏安氏

皆崇寧人至正中賊陷冀申語益曰君速去勿

為我累言訖投井後益娶安氏居二載益卒安泣曰夫死我生何益自縊極側

格忠妻王氏

榆次人夫舉人亡時氏年二十三誓不再適有豪貴求婚者氏

叱曰吾夫弱冠成名今不幸卒吾志守孤誰敢奪耶大德年旌表

趙信妻李氏

榆次人年少夫亡遺幼撫育成立水操無染大德年旌表

康斌妻薄氏

榆次人夫卒家貧氏躬紡供饋孝養舅姑延祐年旌表

張恭妻鄭氏

榆次人少寡寡甚誓不重醮勤女工以自給至順年旌表

鄭和甫妻段氏

榆次人少有淑德夫亡家貧誓不改節至正年旌表

郝義妻張氏

平定人夫卒年少以灌園蠶織奉姑教幼子成儒至正間旌表

聶希甫耶律氏

平定人夫為廣德軍宣差氏端嚴貞靜涉臘書史年少夫

亡守節終身縞衣不飾愛教庶出二子後皆顯仕至正間旌表

呂乙鳴妻郝氏

平定人夫亡翁姑老子幼氏孝親教子成立至正間旌表

馮義甫妻陳氏

平定人年少夫亡子幼養於父家後俱成立至正間旌表

耿承祖妻康氏

平定人夫為太常太祝時燕京寇起携幼子避孟陽石洞

中寇煙出之康謂義女果曰吾義不受辱汝當抱幼子逃遂赴井死至正間旌表

王履謙妻齊氏

平定人夫為廉訪副使寇掠入境氏與二婦蕭氏呂氏及

一女避趙家莊石窰中寇圍急氏度難免與其女同縊未死因俱與二婦投崖死奏

聞旌表

吉彥享妻馬氏

崞縣人夫亡誓不他適守節終身至順間旌表

武旗妻王氏

太谷人夫為甘肅參政值虜入其家見氏姿色欲汚之氏罵曰

吾夫聲重士林吾寧死不受賊奴辱賊以刃迫之氏罵厲遂碎其首而死

王德素妻辛氏

崞縣人夫為汴梁路總管居汴卒氏年少三女子甫六歲

乃躬自教育各底於成立後扶櫬還葬奏聞旌表

國朝

譚子信妻靳氏

崞縣人夫亡子甫三歲守節事孀姑洪武年旌表

賈文遠妻楊氏

陽曲人夫亡孝事舅姑撫子女克成後經旌表

馬守道妻溫氏

榆次人夫亡撫孤躬織資生貧不渝志洪武年旌表

武志賢妻蘇氏

徐溝人少寡孝姑撫孤甘貧守節永樂間旌表

董榮妻郝氏

陽曲人少寡守節終身不渝宣德年旌表

董三漢妻馮氏

陽曲人少寡守節終身不渝宣德年旌表

趙旭妻周氏

榆次人夫亡欲自盡家人嚴防解之勵操終身正統間旌表

楊素妻劉氏

太原人夫亡家貧誓不改志採紉為生育孤成立景泰初旌表

李門雙節

平定人李璽妻任氏年十八適夫逾年生子儀夫卒或勸其再適任

念曰姑老子幼安忍棄之操守愈堅事姑教子娶婦梁氏生子達儀亦卒梁亦年少守節不異其姑鄉人稱為一門雙節成化初俱奏聞旌表

高思敬妻韓氏

孟縣人夫亡年少遺腹生子痴氏家貧誓不改志紡緝度

生終身無玷後經旌表

蘭景昌妻趙慧寶

太原右衛人夫卒隨縊柩側成化初旌表

張景妻白氏

榆次人遭夫蕩業事之惟謹夫歿守節終身成化間旌表

岳曇妻武氏

榆次人少寡守節課子成名終身儉素弘治間旌獎

郝氏女

榆次人郝能女許嫁鄭銓未過門而銓卒郝聞之泣謂父母曰烈女不聘

二夫今不幸夫死豈可別適遂奔其喪躬事舅姑弘治間旌表

郭瓚妻郝氏

太谷人年少生子纒襁褓夫死誓與同葬夜自縊於柩傍姑曹

氏覺之救甦後以紡織事姑終身不渝正德間旌表

姚氏二女

定襄人姚廷玉女玉果玉香皆美姿正德初隨父宦山東武城縣會

流賊破城獲女出城西渡河二女俱投水玉果沒溺玉香流數里得生奏聞旌表

周經妻郭氏 孟縣人夫亡氏年少于思恭甫
成立正德間奏 二歲家且貧氏紡織守節課子

成立正德間奏 聞賜其子冠帶

孔俊妻武氏 祁縣人正德間流賊入祁縛後
連射六矢因脇氏以從氏大罵

賊以刃逼之氏罵不絕遂刺目斷臂而死
時邑中死節者有段奎妻閻氏楊子秀妻

田氏趙文茂妻高氏王原妻郝氏張才
妻范氏温廷美妻郭氏俱旌表

姬公付妻常氏 太谷人正德間流賊執欲污
之氏罵不從被殺有同邑趙

守貴女年十六亦以拒賊被殺按部俱遣
祭仍奏聞旌表

王相妻武氏 太原衛人夫卒氏悲泣願以身
殉人以三幼子為解氏遂屏膏

沐撫遺孤終身後三子俱成立孫立賢曾
孫元雅皆舉進士第屢經旌表

韓彰妻李氏 陽曲人彰先娶張氏生子紹繼
娶李生子絃李有紹過於絃絃

溫見李叱曰汝欲使我作蘆絮婦耶絃後
順志舉進士第

賈文林妻徐氏 壽陽人林以赴舉卒徐勵志
守節或勸之嫁徐毀容剪髮

以死自誓事孀姑撫幼子泰克苦樹立泰
長娶陳氏生子侃泰亦以應舉卒陳誓繼

姑節撫侃中鄉試
正德間奏聞旌表

何景秀妻張氏 河曲人夫亡子貫方二歲氏
節撫孤成立正德年旌表

吳晨妻高氏 定襄人夫亡家貧撫二女守節
終身學道旌表

温鍾妻喬氏 定襄人少寡親老氏事親育孤
節操無玷正德年旌表

杜仲賢妻劉氏 愉次人夫亡氏年纔二十或
諷之再適氏厲聲曰此身一

玷何以見夫君于地下乎竟以節終身葬後芝產于墓

任整妻賈氏

愉次人生子惠甫十月夫卒氏年纔二十宗黨勸其再適氏泣

曰毋老子幼背母棄子滅慈與孝何以為人竟守節終身無議問里賢之

高劉許三節

北京人樂平喬少保妾喬卒同縊死柩側事聞旌表立祠

范奎妻王氏

祁縣人夫亡遺孤未歲氏堅心撫養竟成立經旌表

王廷美妻袁氏

祁縣人夫登鄉試卒遺子甫三歲守節課子成立經旌表

李義妻楊氏

定襄人嫁數月夫亡將夫積髮結首痛哭尋縊柩側鄉人哀之

樊瓚妻劉氏

與縣人夫亡年少幼誓不再醮教子業儒出仕嘉靖間旌表

范廷廣妻張氏

祁縣人夫亡年少堅節撫孤事經旌表

王璩妻齊氏

與縣人夫亡自縊於柩傍嘉靖間旌表

賈思本妻程氏

祁縣人夫亡年少年貧以紡績事姑教子成立經旌獎

黃鑑妻靳氏

平定人嘉靖間虜入寇獲靳欲汚之不屈虜剖腹視胎以去時

其同宗有嬪於荆某有通名張氏子者俱義不受辱同時遇害人稱為一族三節

徐氏武氏

崑崙庠生張大紀妻妾也嘉靖間虜入寇驅之北行紀墜崖死徐繼

之武將幼兒擲崖下死給賊下馬拉賊同隊土崖死之

張鉄妻臧氏

陽曲人夫亡氏年二十三朝夕哭泣絕而復甦者數竟縊死

郭憲妻王氏牛氏

陽曲人嘉靖間虜入犯王被掠大罵不從遂遇害夫

憲亦亡牛因分散所積於親族誓必從死不飲食者十有四日乃絕

陳義妻鄭氏

太原左衛人義為百戶邊亡鄭哭親迎櫬散奩于族自縊柩側

李永剛妻姜氏

太原人嘉靖年虜至驅之上馬姜罵不從虜怒碎其屍

段廷舉妻程氏

太原人生子月餘夫亡年少撫子成立孝事舅姑經旌表

袁萬里妻傅氏

壽陽人夫中鄉試氏少寡紡織守節巡撫檄歲給米旌表

李文傑妻梁氏

太原人嘉靖年遇虜虜以刃劫之曰脫脫梁曰殺即殺不

去衣也虜怒斬其首血濺數尺虜行數步屍乃仆

閻洪範妻李氏

壽陽人遇虜不屈遇害夫痛之終身不娶有司優以冠帶

張元慶妻冀氏

壽陽人夫亡甘貧守節訓孤克成學道旌獎

王萬妻李氏

祁縣人夫亡遺孤甫歲斷髮誓守撫孤成立後旌表

張子建妻李氏

興縣人夫亡氏方妊後生男朝義亦卒撫孫成立經旌表

胡早妻李氏

祁縣人夫亡氏好方三另後生男守志撫育成立經旌表

張玉保妻樊氏

興縣人少寡親老子幼氏守節養親課子成名經旌表

武尚質妻陳氏

祁縣人夫亡氏年少子甫歲守節撫孤經旌表

王門三節

壽陽人王冕妻趙氏王存道妻閆氏存德妻趙氏並守節按部旌獎

王嘉會妻劉氏

河曲人虜執墜不從虜刃迫之氏曰吾豈從汝臊奴遇害

白思昂妻段氏

太谷人年十八生子斗甫兩月夫亡遂縊柩側祖母武氏

覺救得不死紡織孝親撫孤成立隆慶初經旌表

李鈞妻郭氏

陽曲人夫蘭州守氏少寡抱幼兒泣曰死易立孤難縱死失孤

何以見夫地下乃撫兒成娶婦張娠兒亡生孫甫歲張亦亡氏自教成立經旌表

羅妻趙氏

太原人其姑有淫行姦者出貲為娶氏因先姦之乃令夫入氏知之

不再受汚姑強亦不從乃以嫌夫幼誣告于官稍繩以法氏赧顏不自白退而姦者仍強之氏竟蹈刃死金令烈其事弔拜繫其姦者後因有礙寢其事人多寬之

王應璧妻郝氏

祁縣人隆慶秋被虜掠之乘隙得脫遂投井死

牛載妻段氏

清源人夫亡守節撫孤成立經旌表

戴秋姐

榆次人戴宛女隆慶間隨母遇虜虜殺其母以刃劫女女罵不從遂被殺

成臯謨妻馮氏

清源人夫亡甫二旬氏即就縊家救甦越月仍服毒死

韓定妻張氏

清源人夫亡親殮殯旋為子完娶方就縊與夫同葬建坊旌表

鞏燦妻李氏

靜樂人夫亡姑老子幼家貧以女紅養姑撫子成立經旌表

郝紀妻孫氏

靜樂人紀先娶妻張妾張俱無出繼娶孫三年紀亡助義子朝

鞏為嗣妾張妬陰授李仲山財賣孫給孫往墓令山挾逼以行孫詐言有私財恐為張得給山取之遂鳴於官得守節後以侄女妻朝鞏鞏亡與侄女俱以節著同旌表

劉紹志妻白氏

興縣人有同邑王鸞妻賀氏與良能妻陳氏夫亡各死節

殉殯隆慶年俱旌表

張廷學妻曾氏

保德人幼敏慧適張幼年而寡撫二子俱成立經旌表

曹廷輔女

定襄人家貧能守閨範隣人欲私之延入室百計給脇女泣罵不從遂格殺之襄人多壯其烈

潘廷福女 定襄人許字李同福故惡少乘母出踰牆戲之女叫罵不從母回泣訴必死母與嫂勸弗聽夜逐縊年十七按部奏聞建坊旌表

堂繼經妻孟氏 太谷人夫中鄉試亡無子孟甘貧奉姑紡織供養經旌表
蘇子良妻胡氏 交城人少寡誓不再醮守節六十七歲萬曆初旌表

劉希明妻張氏 保德人家富生二子方祿明遇虜害氏哭不食死經旌表
呂公庭妻王氏 保德人少寡甘貧守節撫幼成立經旌表

嚴機妻崔氏 保德人生子甫歲夫死氏視殮夕縊死柩側州牧躬吊表揚
李欽妻韓氏 保德人夫亡甘貧守節經旌表

張茂迪妻楊氏 保德人夫亡守子應棟成儒娶翟氏棟死遺二幼子楊氏
王麒妻黃氏 保德人夫所千戶夫亡氏撫孤歲懋德亦亡李有妊後生子維垣黃與李共筑筑艱守竟續王後經旌表

潘政妻施氏 寧化所人夫所千戶夫亡氏年居皆施撫育孫高登進士歷官陝西布政司參議人謂施遺澤云經旌表
陳仁妾袁氏 太谷人夫中鄉試夫亡無子氏與嫡同守節久之嫡亡氏杜門

與女僕織紡三尺之童不許入內屢經旌表
崔鶴妻武氏 太谷人夫亡氏年少生子未歲與言紡織撫孤成立經旌表

與言紡織撫孤成立經旌表

韓宗信妻翟氏

交城人夫亡氏年二十痛夫早逝命匠大其棺欲與偕葬

自縊救甦七日後復縊死經旌表

韓宗周妻孫氏

交城人夫亡氏年十九守節撫孤偉成立娶劉年二十一

偉亦亡劉效姑守節不改經旌表

曲烈女

靈丘人因貧就食五臺寄居安崇德家因崇德犯之自縊父烈訟之官萬

曆年屢旌表巡按康又買地脩墳築墓餘地給女弟曲价等為守墳養贍之資

何九畏妻苗氏

河曲人夫病氏以死誓夫亡二日縊死柩側奏建坊表

蘇綺妻李氏

文水人少寡親老子甫二歲氏孝事舅姑撫孤成立經旌表

馬垂雲妻許氏

太原人夫貿易淮上亡時氏年十八聞訃輒欲死殉舅姑

勸諭乃止撫妾生二子不啻已出學憲獎表

馬應兆妻李氏

陽曲人少寡家貧子幼氏誓守志撫孤成立經旌表

郭琛妻董氏

徐溝人夫亡子綱生甫歲氏年十九或勸之他適氏因剪髮示

不渝撫孤成立又有同邑王洪妻馮氏要碧妻張氏李贊妻申氏張治妻閻氏金少

寡守節事姑撫幼終其身皆蒙旌表

霍文聚妻呂氏

文水人少寡無子家貧守節四十餘年經旌表

閻大輅妻武氏

壽陽人夫亡氏年二十一甘貧守節幼子雷成立經旌表

喬黎獻妻王氏

太原人夫亡子儒甫七月舅姑且老氏克孝養撫儒成立

經旌表

段廷相妻

王氏

榆次人夫亡不食既葬投井

范儒女

外

次人幼許聘

父母屢欲改聘女誓死不從及博

還女年四十始歸生

以善終

和仲芳妻

趙氏

平定人少寡兄欲嫁之引刀

王佐妻

李氏

平定人夫中鄉試亡母老子幼

郝舉人妻

景氏

平定人夫亡母老子幼景孝

郝桐妻

費氏

平定人夫亡子幼甘貧苦節學

趙一德妻

白氏

平定人夫亡守節州里賢之

白雲鷗妻

李氏

平定人夫亡甘貧守節孝事

張文卿妻

李氏

平定人少寡孝翁姑撫孤

效姑守節不出戶庭院

申尚議妻

王氏

平定人夫疾篤氏先入書室

傅康妻

王氏

忻州人夫監生亡時氏少親老

舅姑以甘旨課孤業儒後封承務郎孫霖

石鐸妻

夏氏

定襄人夫亡子幼氏哀慟成疾

人曰因疾苦孤因孤累母生有何益遂自

任堯弱妻

楊氏

定襄人痛夫死于官刑遂服

喬光文妻

郝氏

定襄人夫亡氏甘貧苦節

王維垣妻賀氏代州人女時曾割股療父病以孝聞及適垣孝事翁姑夫

亡年少年少剪髮佐禱以殉誓必死親族勸解守孤成立以節慈聞

李棟妻任氏代州人夫死任年二十遺妊三月生子因泣曰我不即死者以此今幸得孤有翁姑在可賴以撫吾何以生為遂不食而死

代州人住鴈門虜破堡執欲污之王大罵求殺遂遇害

冀廷威妻王氏五臺人年十九夫亡因而自縊死

陳福朝妻田氏五臺人年十九夫亡因而自縊死

徐光明妻康氏五臺人年十九夫亡撫孤誓不改嫁後孤亡氏泣曰我不死者為徐君一塊肉耳今若此復何望焉遂縊死

經旌表

陳紀妻孫氏五臺人夫亡遺孤朔甫四歲孫甘貧守節撫孤成立經旌表

陳俊妻師氏五臺人夫亡無嗣慕祖姑孫氏之節益礪其志經旌表

陳价妻王氏五臺人夫亡無子撫姪正學為嗣課成歲貢經旌表

劉烈女五臺人許字崞縣張張十七卒劉未過門赴弔自刎靈前立坊旌表

劉壽貞五臺舉人劉復初女許字盧春春貧父欲毀親貞正色曰讀書達禮何為

出此言母叱之貞曰有死而已春旋歿葬貞引婢奔喪痛哭葬畢遂留侍姑姑歿獨居不見一人後歿婢亦不肯別適削髮為尼其感化如此

陳妙賢五臺人許字劉子未娶而劉卒女輒誓侍事舅姑年六十餘卒

張九成妻宋氏繁峙人年十九夫亡家貧苦節課孤入庠按院旌獎

牛樊元妻范氏繁峙人夫亡子幼氏矢志守節孝舅姑訓子成儒經旌表

侯鳳梧妻孫氏 繁峙人年十九夫亡甘心守節撫孤按臺旌表

張九職妻鄭氏 繁峙人年十八夫亡堅操守節撫遺腹孤成立按臺旌表

鄭文奎妻張氏 繁峙人年少夫亡貧苦守節按臺旌表

陳登與妻李氏賈氏 繁峙人夫亡賈方孕李與誓守果生男經旌表

王杰妻鄭氏 繁峙人年少夫亡艱苦守節訓子入庠經旌獎

程子朝妻賀氏 崞縣人夫亡賀年十八欲死殉葬人以侍翁姑勸止遺娠

生子儉事母至孝母病割股病愈按院扁旌節孝

郝良田妻張氏 崞縣人夫亡誓不他適撫孤桂芳中鄉試經旌表

程可义妻楊氏 崞縣人夫亡姑老氏遺娠生男事姑孝撫孤成立經旌表

李三戒妻靳氏 崞縣人夫亡斷髮守節屢經旌表

陳光先妻張氏 崞縣人夫出家學道氏誓不他適遂死奏建旌祠

楊茂三烈女 崞縣人因富民呂廷要娶為妾三人俱耻辱同縊死建祠旌表

武本妻李氏 崞縣人夫亡李尚艾貧無資自縊與夫合棺而葬

蘇柰妻皇甫氏 崞縣人夫亡營葬令容二棺家人駭防稍懈遂縊死同附

杜雲妻張氏 靜樂人夫亡親老子幼張孝事舅姑撫子成立經旌表

康弘業妻葛氏 崞嵐人年十六歸康康病知不起頻日葛葛泣斷髮以示

必死康遂卒葛水漿不入口者數日泣謂姑曰時方暑熱吾死恐重遺姑憂姑常防之秋報邊聲至人各趨避葛獨不去整衾珥而縊死

張大整妻王氏 崑嵐人整被虜死王年少守節撫孤成立隆慶年旌表

王定妻李氏 崑嵐人夫亡子未週歲撫教人庠子亦亡又撫孫成立經旌表

李厚幣妻張氏 崑嵐人夫亡守節撫子成子亦亡又撫其孫經旌表

溫鐸妻趙氏 崑嵐人生子甫歲夫亡舅姑欲別適趙剪髮誓守撫孤經旌表

秦知章妻何氏 崑嵐人夫亡守節撫子成立經旌表

張鵬妻吳氏 崑嵐人夫亡勵志守節備歷艱辛萬曆年旌表

趙啓儒妻光氏 平定人夫亡甘貧守節教子庠餼屢次存恤

喬繩愆妻李氏 平定人年十七夫亡遺孕四月生子撫育守節無玷經旌

常師孔妻趙氏 平定人夫亡子幼家貧勤紡織事翁姑課子成名經旌

任繼增妻李氏 忻州人因虜逼恐汚溺井死女任大兒守哭亦投溺經旌

小錢兒 忻州人馮世禮女隣族馮汝楠窺其獨宿欲淫之錢喊叫不從世禮受賄

欲秘其事錢忿服毒死

胡彥賓妻安氏 五臺人夫亡家貧艱苦守節侍姑撫幼經旌表

高相儒妻鄭氏 五臺人生子甫歲夫亡鄭艱苦撫幼萬曆年旌表

鄭三畏妻劉氏 五臺人夫庠生亡時子幼氏守節撫孤經旌表

張朝宰妻高氏 太原人夫亡年少守節甘貧撫教二子成立經旌表

李璋妻袁氏 嵐縣人夫亡年少甘貧守節撫教三子成立經旌表

賈濬妻劉氏 榆次人生二女夫亡年少堅志守節經旌表

寇讓妻冀氏

榆次人。生子甫三歲，夫亡，父母諷之嫁。冀哭曰：「若有二心，人面獸行耳。」遂屏華飾，奉姑撫子，始終無間。經旌表。

錢益謙妻趙氏

太原右衛人。夫亡，子幼，氏脫簪珥，自誓靡他。事舅姑，曲盡孝道。事叔嬪如舅姑，撫育孤，利用成爲郡庠廩。學憲旌表。

宗室知鯁妻杜氏

通判績宇女。貧甚，惓然相得。鯁卒，杜方十九歲，生一女，喪不能舉，典賣衣物，舉之悲號，不絕聲。自縊欲與俱逝。姑覺，救解，再四勸慰，乃已。殯葬後，孀居三十餘年，治生惟以女工。事姑竭力，靡所不至。甘貧守節，盡孝敦倫。曾經按臺學道表揚。

